


8185/0.21

48

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 7 1938



西江志卷第一百九

祠廟二

撫州府

祠

樂巴祠在崇仁縣巴山元虞集有記

道園學古錄

相山四仙祠在崇仁治南祀梅樂鄧葉四仙吳澄記

王太保祠在臨川孝義寺左南唐時建祀晉太保王祥後祀

明同知趙瑞即故址重建自為記

忠孝祠舊在府治右祀王太保顏魯公宋淳熙中遷于學東

有御書堂額劉克莊記

劉後村集

遺愛祠在府治北祀唐令元子哲宋蘇緘孫實范應銓明時

季照李祥六人知縣葉天爵建

哈佛大學漢和  
圖書館珍藏印

顏魯公祠舊在郡圃宋至和二年州守聶厚載建曾鞏有記

後圮併祀名宦 豫章記

危刺史祠在臨川縣祀唐危全諷

南豐曾氏祠元至元十一年九世孫冲建祠於金谿之南原

祀沂國公仁旺繪像中堂危素記 太樸集

王文公祠在府東鹽步嶺宋崇寧五年州守田登建祀王安

石淳熙中州守錢象祖新之陸象山記元至順初祠圮吳

草廬言於監郡塿不台重加繕治虞集記 道園學古錄

曾文定祠在臨川順化門外祀宋曾鞏元虞集記

忠勇祠在崇仁治南祀宋令贈奉國軍節度使蘇緘元祐中

賜額懷忠江濠記

三陸祠在府學西宋嘉定間建祀陸九韶九淵九齡淳祐間

州守葉夢得新之

陸象山祠在金谿城南刈鵝堆明知縣程秀民建

五賢祠在府治順化門外初祀象山草廬康齋三人湛若水

有記後增祀梭山復齋為五賢祠明萬曆中知縣劉胤昌

重脩鄒元標有記

三賢祠在臨川學左祀宋令劉彌正黃幹主簿京鏜

二賢祠在崇仁學右宋嘉定十六年建祀吳沆歐陽澈

四賢祠在崇仁縣東宋嘉泰間士民建祀吳沆吳澥吳鎰吳

曾本州通判陳宇文撰文致祭後廢明弘治間知縣葉天

爵重建於社學廢址

黃勉齋祠在臨川學西宋令李義山建祀前令黃幹

二陸祠在金谿縣宋淳熙中建祀陸九韶九淵楊簡有記淳

正江志 卷一百九  
二  
祐間遷槐堂書院之前增祀九齡以傅子雲楊簡配僉事  
李齡有記

傅琴山祠在金谿治西宋淳祐中州守宣璧以子雲得陸氏  
學命立祠包恢有記

西溪先賢祠在樂安縣西坑祀宋何時何天聲元何中 何大  
虛集

吳草廬祠在崇仁縣迎恩橋左明弘治間知縣葉天爵建祀  
吳文正澄

虞邵菴祠在崇仁南門外明知縣葉天爵建祀元虞文靖集  
忠臣祠在金谿治西祀元編修官黃暉明洪範有重修記  
吳康齋祠在崇仁昭清觀故址明嘉靖三年知縣王鐸請立  
祠巡撫陳弘謨奏請崇儒扁額

烈孝祠在樂安城南隅明正德間勅建祀進士詹崇妻潘氏  
子詹迪俱以陷賊赴井死

吳文恪祠在崇仁寶唐書院右明崇禎元年巡撫魏照乘建  
祀吳道南大學士劉一燝記

陳都御史祠在撫州城隍廟東祀明總制陳金  
詹一菴祠在樂安治左祀明儒詹爾選

周令祠在東鄉行按察司左祀明令周相叅政王紹元有記  
義勇祠在宜黃行布政司右祀明崇禎壬申禦寇陣亡諸人

按崇禎五年流寇自汀韶入贛吉五月陷宜黃城大肆  
殺掠一時陣亡壯士凡四十餘人邑人哀而祠之羅應  
曉祠序云死於刃者四死於礮者五北郊之敗惟潘張  
死於戰皆不詳其名府志武節傳則有樂安五傑陳球

六張俊五陳香四唐大老羅興華等先後陣亡勇毅傳  
 則有胡鴻德胡鴻賓潘章俊潘光漢張汝茂張汝輝鄒  
 思化鄒思讓張世讓張廷約潘潤 二九 超 世傑  
 陽傳三羅 徐七其姓氏不能全考矣

七烈祠在東鄉縣祀明正德初死節陳忠妻周氏及姊姒王  
 氏女金玉等七人知府張純記

廟

府城隍廟在治北明洪武三年知府李廷桂建弘治十三年  
 知府胡孝置田一百五十畝以供祭祀

各縣城隍廟臨川在燮山之陽 崇仁在縣北 金谿在縣  
 南 宜黃在縣北 樂安在北市 東鄉在治東北

三皇廟在府東慶延坊祀伏羲神農黃帝元吳澄有記崇仁

宜黃樂安俱有廟虞集記

堯山廟在臨川西境祀堯舜禹

競渡廟在臨川江口祀楚三閭大夫屈原

江東廟在崇仁之耆原祀秦石固

鳴山廟在宜黃縣西祀晉石敬純明知縣陳墀記

靈谷王廟在臨川靈谷山祀宋內史謝靈運

芟陂廟在崇仁田羅坑祀唐刺史周法猛以建陂功祠之

張睢陽廟二一在臨川之西津明饒昌胤重修有記一在宜

黃名昭烈廟羅岱記

汾陽廟在臨川北鄉李家渡祀唐郭子儀

孝烈廟在金谿鷓鴣嶺祀唐葛祐二孝女

博陂廟在府治西南五十里祀唐南豐令游茂洪廟有吳漢

記

王太尉廟在崇仁縣祀宋丞相王旦

東嶽廟在府治子城東南元虞集有重修記

壇壝附

社稷壇在府城武安門外

各縣社稷壇臨川附郭 崇仁在縣西普安寺右元吳澄有

記 金谿在治北朝天坊 宜黃在迎恩橋 樂安在治

東 東鄉在西門外

風雲雷雨山川壇在府治南順化門外

各縣風雲雷雨山川壇臨川附郭 崇仁在縣西 金谿在

攀桂坊 宜黃在縣南 樂安在治南 東鄉在南門外

厲壇在進賢門外

各縣厲壇臨川附郭 崇仁在北門內 金谿在朝天坊

宜黃在治北 樂安在縣北 東鄉在北門外

建昌府

祠

伍子胥祠在南豐縣南白社鎮唐開元中里人甘仲振建縣

西有忠靖英烈廟亦祀子胥

石孝子祠在南城縣麻州渡祀石三郎在晉稱為孝子在後

世稱為福神名勝志

三仙祠在南豐軍山絕頂祀晉三應真君浮丘翁及其徒王

褒郭似嘗遊此山宋時建祠祀之

旌陽祠在南豐之南臺祀晉許遜

顏魯公祠在南城麻姑山祀唐刺史顏真卿宋紹興中知軍

胡舜舉建

三忠祠在南城凝雲堂故址祀唐撫州刺史顏真卿宋丞相李綱文天祥明嘉靖中知府王度建萬曆中知府鄔鳴雷重修以岳武穆祠圯製主祔焉後胡松祠圯又移主祔祀危王祠在新城福山寺祀唐撫州刺史危全諷冷真人祠在南豐縣西石仙觀左宋太平興國中建叅政陳宗禮有記

王侍郎祠在南城祀宋王羲叔陳起有記已廢

管樞密祠在南城祀宋知軍管師仁

十賢祠在南城仙都觀宋紹興間蔡延世建祀鄉先達陳彭年李覲曾鞏曾布曾肇朱京朱彥鄧潤甫王無咎呂南公十人元季兵燬明天順間知府江浩改建府學左

李泰伯祠三一在南城鳳凰山下宋寶祐二年知軍楊瑱建以曾鞏鄧聖求侑食元末燬明成化三年吏部主事左贊疏請表墓立祠知府謝士元建一在新城赤溪即泰伯讀書之所明祭酒陳鑑記一在瀘溪學左明萬曆間知縣潘元勳請建涂國鼎記

曾氏總祠在南豐崇覺寺左祀曾仁旺密致堯魯易占鞏布肇

鳳岡祠在南城縣北門祀宋李覲曾鞏明何喬新羅玘夏良勝五人

曾文定祠二一在南豐治西宋知軍楊瑱建祀曾鞏叅政陳宗禮記一在曾巖即文定讀書處明大學士李東陽有重修祠記



曾文昭祠在南豐縣西祀宋曾肇

忠節祠在南豐縣六都軍港口祀宋曾悟曾忘元州尹史文

彬建

朱陸二賢祠即道一書院明嘉靖十五年知府王度塑像其

中後遷其像於府學萬曆中知府王之屏改為二賢祠

國朝順治十年建紫陽書院於北專祀朱子焉

崇正祠在新城縣福山朱子嘗講學於此後人肖像祀之明

羅倫正位號易今名又南豐有朱公祠明知縣向縞建

聶文定祠在南城縣西門祀宋吏部侍郎聶子述朱大器記

包文肅祠在南城延禧觀墓側祀宋尚書樞密包恢有程伯

宗記

呂南公祠在新城西南石城村元處士朱民表建

王侍宸祠在府城元妙觀右祀宋王文卿名勝志

傅子淵祠在南城縣雅俗鄉祀宋儒傅夢泉有包恢祠記

節婦祠在南豐東門外祀宋元來諸節婦謝必妻侯氏等二

十六人邑人嚴翼捐資重修

黃孝子祠在南城縣青綏舖為元孝子黃覺經建孝子卒無

嗣浮屠入居之明弘治末知府舒昆山驅浮屠塑孝子母

子像扁曰孝祠明季燬於火

國朝巡撫郎廷極檄南城知縣范長發重建邑人梅之珩記

裴彥直祠在南豐東門外裴乃元知州也羅敬有記

義士祠在瀘溪一都祀元末鄧景祥主事王冀有記

何氏世德祠在廣昌縣祀明吏部尚書何文淵刑部尚書何

喬新曾孫刑部侍郎何源

大忠祠在府治東隅明景泰七年建祀右副都御史鄧祭有

鄧澄碑記 德隅集

旌忠祠在南城通會門明嘉靖間巡撫胡松疏請建祀守禦

千戶李瓊李應陽父子及守備王址明末兵燬

國朝康熙癸未裔孫李柳重建

胡中丞祠在南城麻姑山祀明江西巡撫胡松

林宰祠在南豐安禪寺前合祀林潤林壽芝扁曰保障殊勲

愍忠祠在新城石峽嶺下明嘉靖間祀建撫守備王址祔祭

遂安生員鄧正及本縣同日陣亡者十四人

江守祠在廣昌城東隅祀明建昌知府江浩有何喬新記

忠烈祠在廣昌縣祀明贈光祿少卿劉大年

鄧元錫祠在新城南津街門人張櫛等建已廢

羅近溪祠在南城鳳凰山下祀明叅政羅汝芳

哀烈祠在南城朝京門內明嘉靖間建祀李華妻胡氏賜額

哀烈李喬記

節烈祠在南城五里莊祀劉三善妻胡氏明知縣范涑建

雙烈祠在新城南津街祀鄧墳妻王氏與其姑徐氏

忠烈祠在南豐治後大街祀贈大理寺丞明鍾祥知縣蕭漢

徐芳湯來賀俱有記

報功祠在廣昌縣大街

國朝順治壬辰知府高天爵有平岩寇功建祠祀之南豐湯

來賀記

廟

府城隍廟在南城儒學左明洪武十年知府謝仲仁重建何

喬新記萬曆三十七年知府鄔鳴雷重新自為記

各縣城隍廟南城附郭 南豐在縣治前 新城在縣治西

南 廣昌在縣東隅宋紹興間邑令王秀穎建 瀘溪在

縣西

孔氏家廟在新城縣西宋建炎二年孔子四十八代孫傅與

從子端友扈蹕南渡家新城明正德間建廟

國朝康熙元年襲封衍聖公興燮有重修碑記

江東王廟在廣昌縣南隅宋令趙彥博建祀石固

忠烈廟二一在府城之南隅宋紹興中建祀壯繆侯關羽一

在南豐名顯烈

三忠廟在南豐濠口祀關羽張飛張巡

鳴山廟在瀘溪城北祀石勒勅封自鳴山翊化真君

黃司空廟在府城南祀黃法蘄

忠協廟在府治東祀唐張巡一在廣昌之東園名東平王廟

宋咸淳中邑令朱汝賢建明何喬新有重修記

麻姑廟在府治西南麻姑山即蔡經故宅唐開元中道士鄧

紫陽隱此山及遷化遺奏立廟宋咸平二年賜名仙都觀

曾鞏作三門記元豐六年勅賜今名 麻姑山記

朱宣王廟在南豐龍池鄉祀唐將軍朱從立

龍王廟在南豐軍山下唐開元間建

東嶽廟在南豐集賢坊唐建

福善王廟在瀘溪東門外祀唐泉州太守歐祐

軍山廟在南豐縣西祀軍山之神創于南唐昇元三年宋元

符三年曾布奏賜靈應廟額囑弟曾肇為之記 名勝志

壇壝附

社稷壇宋置在膏露門外明洪武七年遷西郊

各縣社稷壇南城附郭 南豐在黃沙坪 新城在縣西巖

岡 廣昌在縣東隅 瀘溪在鶴巢西

風雲雷雨山川壇在南城十八都廟嶺

各縣風雲雷雨山川壇南城附郭 南豐在治東南太平埭

新城在縣治南 廣昌在治南隅 瀘溪在南門外

厲壇在北郊黃家林

各縣厲壇南城附郭 南豐在熊家山 新城在狀元坊

廣昌在縣北隅 瀘溪在治西北

廣信府

祠

葛仙祠在鉛山永平鄉宋元祐七年建祀仙翁葛玄元至正

間塑像陳衡記

董真君祠在貴溪青山之陽失其名

按鄱陽李存仲祠記云真君能致風雨役鬼神唐玄宗  
拜鴻臚卿封越國公沒為神宋崇寧間賜號真君

東嶽行祠在府治溪南瑯琊峰下宋紹興間勅建

張巡祠在鉛山縣南二十里

楊刺史祠在府治東祀唐信州刺史楊光翼今并入名宦祠

王有道祠在永豐西門外墓側祀唐校書郎王貞白呂珣記

五賢祠在上饒茶山舊為二賢祠祀曾文清幾呂文清本中

有韓元吉記後增祀陸鴻漸徐梅堃辛稼軒改今名

朱子祠在上饒南巖寺左明成化間知府談綱建後圯

國朝康熙壬子知府高夢說即其故址重建  
四賢祠在鉛山縣南鵞湖寺傍祀朱呂二陸四先生宋守楊  
汝礪建今改書院

陸象山祠在貴溪三峰山下祀宋儒陸九淵明初增祀九韶  
九齡為三賢祠李奎有記成化甲辰詔命重建見大政記  
靈順行祠在玉山之溪南其神為周雄南宋人理宗時著靈  
異封護國忠烈周宣靈侯祠址尚存

旌忠愍節祠在玉山順城鄉祀宋張忠文叔夜鄭威愍驤信  
守王自中奏建朱子記

愍節祠在永豐治西祀宋張文忠叔夜

辛稼軒祠在鉛山崇義鄉謝枋得有記

疊山集

陳汪二賢祠在府學東祀宋陳康伯汪應辰

端明祠在玉山城隍廟東祀宋汪應辰舊名端明書院明萬

曆庚辰改今名知縣周日申記

謝文節祠在弋陽縣東二里祀宋謝枋得明正統間御史李  
奎疏請褒贈建祠景泰間賜謚文節

忠節祠在永豐治西明景泰間知縣杜斌建祀前令鄧顯

陳總兵祠在鉛山陰漿口明正德間總兵陳榮陷賊死為立

祠

夏文愍祠在府城西太平坊祀明大學士夏言

二徐祠在上饒東門外為明徐樾徐貞明建鄒元標有記

廟

府城隍廟在治西明洪武元年知府王範重建何喬新記

各縣城隍廟上饒在縣治左 玉山在縣治西 弋陽在縣

治西 貴溪在縣治東山嶺 鉛山在鷺湖鄉 永豐在

縣治西 興安在縣治南

太甲廟在玉山安平鄉以伊尹配

赭亭廟在鉛山縣赭亭山宋宣和間建祀漢赭亭侯李恂又  
弋陽有廟曰惠愛

孚惠廟在府城南德濟坊唐天寶間建祀晉石敬純有袁蒙  
齋記又貴溪鳴山廟即其神也楊簡有記

靈山鷹武李將軍廟在上饒靈山石人峰下神諱德勝唐德  
宗朝由進士出守信以禱雨坐化遂立廟宋宣和間神助  
討方臘賜鷹武廟額紹興初守令乞靈擒永豐賊奏封助  
靈將軍明嘉靖朝賜號江西靈山鷹武李將軍之神大學  
士夏言製欽祀文又府城南谷有靈雨祠亦祀將軍知府

吳希孟建并記 夏桂洲集

昭烈廟在玉山治後祀唐張汴宋紹興中勅封忠靖威顯靈  
佑英濟王南安民查仲正命工塑像立祠宋蔡薦有記元  
至正改封護國忠靖威顯景佑真君賜額忠節有倪中記  
一在永豐宋汪應辰記

夏太保廟在玉山招善鄉宋建炎初建失其名相傳尚書夏  
夢龍其仲氏也唐末登進士第徙居於信兄弟能禦寇旣  
歿鄉民德之立廟辜中記

威顯廟在貴溪縣治南祀唐信州靜邊總管使桂卿宋慶元  
間勅賜今額謝枋得記

江元帥廟在府城南祀雷霆之神宋元帥江顯也

威信廟在永豐將軍嶺宋紹興間建祀韓蘄王世忠舊傳祀

西江志 卷一百九  
韓信者非

壇壝附

府社稷壇在治西北天津橋明知府周郁改置

各縣社稷壇上饒附郭 玉山在縣西 弋陽在縣治西一

里 貴溪在治西四里 鉛山在縣西五里 永豐在縣

西一里 興安在縣南一里

風雲雷雨山川壇在府治溪南

各縣風雲雷雨山川壇上饒附郭 玉山在縣治東 弋陽

在縣治西南 貴溪在東門外 鉛山在城南二里 永

豐在治南一里 興安在縣治東南

厲壇在北門外五里許

各縣厲壇上饒附郭 玉山在縣治北三里 弋陽在縣北

二里 貴溪在縣西北一里 鉛山在縣北三里 永豐

在治西北一里 興安在縣北一里

饒州府

祠

九賢祠在府治內祀吳周魴晉虞溥王廙梁陸襄隋柳莊梁

文謙唐張廷珪顏真卿李復爲九賢後又增祀李吉甫馬

植名勝志

忠孝行祠在府城靈芝門內祀晉石敬純宋咸淳間重修內

有古柏人不敢伐安仁之三峰樂平之孚應即其神也有

楊簡記

程氏世忠祠在浮梁西隅祀梁程靈洗以下諸人宋嘉定間

賜額世忠

孝女饒娥祠在樂平長城鄉汭灘里唐柳宗元宋楊簡馬廷鸞各有記

顏范二賢祠舊在州治頌春堂祀唐顏真卿宋范仲淹州守王十朋遷於慶朔堂右自為記後廢明嘉靖間知府王健同知徐拭重建於薦福寺後

董端公祠在德興縣八都唐季黃巢之亂御史董全禎與賊戰死鄉人祀之蘇軾題額

忠賢祠在德興之長豐里祀董全禎董鼎又董申有义公祠董梗妻王氏有節義祠

劉漢英祠在樂平縣東六十里相傳值黃巢亂佐父劉汾捍禦一方民感而祠之

金令祠在浮梁縣治左祀唐令金安明嘉靖間增祀其子金叔彥次子金叔遲繼為令有功于民并祀之萬曆間知縣徐學聚重修有記

徐忠愍祠在德興天門山祀宋樞密徐俯父禧

趙福王祠在餘干縣祀宋丞相趙汝愚

程剛愍祠在鄱陽舊學右祀宋程振端平間州守林杲建已廢樂平萬年俱有祠李伯玉記

洪忠宣祠在府治右茶條巷內祀宋洪皓一在樂平金山鄉趙汝騰有記

江古心祠在府學東亭子巷口祀宋丞相江萬里監生裴春奏建已廢

曹無妄祠在萬年縣一都祀宋曹建有李伯玉記

趙宣撫祠在樂平萬壽觀祀宋趙葵丞相馬廷鸞有記



王尹祠在萬年縣十都祀宋尹王世輔

張將軍祠在安仁縣惠寧廟東祀宋末張孝忠元弘文少監

歐陽玄記 名勝志

按孝忠道州人與謝枋得同守信州死於戰元元統二年編修官胡式奏封翊靈威烈忠毅張元帥明洪武三十五年禮部勘合置牌位擬稱玉真山宋承信郎帳前都檢點張公之神云

笄丞祠在德興寶賢坊祀元笄勝明尚書孫原貞有記

許忠臣祠在樂平安隱寺右祀明許瑗嘉靖間知縣龐尚鵬建

陶守祠在鄱陽三皇廟西廡祀明初知府陶安有李實碑記

胡忠臣祠在鄱陽白蓮池北祀明大理卿胡閏以女貞姑配

忠貞祠在德興縣八都祀明御史大夫練子寧

程節孝祠在樂平登高山麓明萬曆乙酉知縣鍾化民為程仕簡建并記

忠勇祠在安仁惠寧廟東祀姚源戰死士倪烈嘉靖己丑勅封毅烈迪功郎扁額忠勇又樂平有義勇祠祀姚源陣亡四十八人

民母祠在萬年縣四都祀明叅政吳廷舉湛若水有記

正學祠在餘干東山麓明萬曆戊寅建祀胡文敬居仁

古城祠在餘干東山麓祀明布政張吉後圯附祀東山書院

昭忠祠在浮梁楊家園左祀明孫忠烈燧許忠節達有閔文

振碑記

楊副使祠在浮梁縣明嘉靖間建祀按察副使楊紹芳

許副使祠在萬年縣祀明兵備道許廷光知縣白繡建  
劉令祠在浮梁景德鎮祀明令劉守愚御史余翱記  
賢令祠在德興縣祀明趙德剛有戴儒記許公高有張琨記  
黃金色有舒鰲記

鍾侯祠在樂平察院前祀明萬曆知縣鍾化民鍾應內召民  
像祀之為立義田史桂芳有記

### 廟

府城隍廟舊在贛洲門明洪武元年太祖克江州幸鄱至南  
門外御書城隍之神扁額祀以少牢八年知府王哲遷建  
舊府學東

國朝康熙十年知府王澤洪重修并記

各縣城隍廟鄱陽在縣治左唐建 餘干在元明觀舊址

樂平在縣東南長樂坊 浮梁在縣治東 德興在縣南

仁德坊 安仁在安平坊 萬年在縣西門

三皇廟在府治北東華巷元建祀伏羲神農黃帝命醫學陰  
陽官春秋行釋奠禮已廢

堯山廟在鄱陽義感鄉相傳神為堯時人避洪水於此歿為  
山神因祀之

屈原廟在鄱陽崇德鄉俗名水府廟每旱禱立應

吳文王廟在鄱陽毛家巷祀漢長沙王吳芮祠舊在州治內  
宋知饒州范仲淹遷治西明洪武初知府王哲遷今處又  
餘干浮梁樂平德興安仁俱有祠廟

蜀三大神廟在鄱陽禮遜坊宋彭大雅帥蜀歸立廟

清源廟在浮梁之新田祀秦蜀郡太守李冰宋邑人李澗使

西江志 卷一百九  
金資神之祐因立廟

韓信廟在鄱陽韓山 名勝志

寶福侯廟在鄱陽芝山相傳祀漢樊噲以禱雨有應宋元豐間奏封寶福侯元末兵燬

梅鎬廟在鄱陽車門山 名勝志

祠山廟在鄱陽縣妙果寺傍神姓張名渤字伯奇漢之武陵人元僧南楚奉其像於祠明叅議李天植撤而廣之

珠湖萬碩靈順王廟在鄱陽縣相傳神姓趙名迪有道術由漢至梁猶存宋元豐中賜廟額曰仁濟

義勇廟一在府治朝天門外一在浮梁鎮祀漢將軍關羽雷煥廟在鄱陽和南鄉今爲祈雨之所

許真君廟在餘干縣東仙人峰相傳晉許遜於此上昇

祐陶廟在浮梁景德鎮明洪武間少監張善建祀祐陶之神

趙慨相傳神爲晉代人詹珊有記 陶書

郭西廟在鄱陽永平關祀梁昭明太子統本池州廟神能彌火災宋時邑人迎祀於此

劉巡官廟在鄱陽永平關祀隋大業間鄱陽巡官劉宗弘靈順廟在德興縣東南唐永徽初張蒙逐白鹿至銀峰失所在有少年指示之獲銀筍里人即其地祀之

忠靖王廟在鄱陽永平關祀唐張巡明知府李益重修建旌忠閣於後丘霽撰碑記一在浮梁治東名昭烈廟

英孝烈女廟在德興南門外祀唐烈女程氏報父兄之仇刺史裴士淹刻石頌其事鄉人立廟宋紹興十年縣令鄭鞏重修樞密徐俯有記

西江志 卷一百九  
余鐸廟在餘干白雲城唐黃巢亂鐸捍禦有功民立祠祀之  
甯將軍廟在浮梁常尚都神名賡黃巢之亂與弟袞率衆保  
守鄉人祀之程楷記

鄭司徒廟在浮梁騰鳳都神兄弟三人傳玖魯捍禦黃巢民  
立廟祀

五姓廟在浮梁梧溪祀唐兵部尚書呂曙江東安撫使閔鏜  
及詹傳書楊先鋒林旗頭五人以同討黃巢立廟祀之  
保靈廟在德興七都唐咸通十四年黃巢寇長安黃勉討之  
有功追封保靈王立廟

惠寧廟在安仁縣惠寧坊祀唐進士柳敬德乾符間以神兵  
拒王仙芝宋淳祐中加封靈顯忠烈惠澤王宣和間賜祠  
額曰江介名祠元至大間加封顯應普惠冲祐真君邑人

倪鏜有記明洪武三十五年知縣邵真上其事定祭祀儀  
注視山川置碑位曰玉真山之神

忠烈康王廟在鄱陽魁輔坊北祀宋康保裔元末燬明洪武  
初重建尚書魏驥有記

雲溪廟在安仁長城鄉祀宋周雄

角山廟在德興躍麟門外祀宋死節縣丞王貴

晏公廟在鄱陽城西祀元文錦局堂長晏戍仔

忠臣廟在鄱陽康郎山祀明初死事之臣凡三十六人封公

爵一人丁普郎侯爵十二人韓成宋貴王勝陳兆先李信

金昶呂文貴李志高張志雄徐公輔劉義陳弼伯爵二人

程國勝王咬住子爵十三人姜閏石明王德常惟德逯德

山汪清朱鼎裴軫王鳳顯王喜先陳冲汪澤丁宇男爵八

人表華鄭興曹信史德勝翟世榮常德勝王理王仁序其  
位次塑其像貌定其祭儀天順間葺之尚書孫原貞記成  
化間重修學士張元禎記嘉靖間重修知縣馮汝弼記萬  
曆間重修訓導李中記歲久圯

國朝康熙三年重建知府王澤洪記

東嶽廟舊在鄱陽芝山東宋宣和間移建府治北

龍王廟在鄱陽義感鄉龍王山

珠湖廟在鄱陽義感鄉珠湖之濱

壇壝附

府社稷壇在靈芝門外明洪武初建

各縣社稷壇鄱陽附郭 餘干在治西北楊坪 樂平在治

東窰岡舊在平西門外楊簡記明洪武間遷今所 浮梁

在治西水南關即宋元舊址 德興在治南黃家塘 安

仁在縣東南流沙嶺 萬年在西門外

風雲雷雨山川壇在永平門外薦福山

各縣風雲雷雨山川壇鄱陽附郭 餘干在大慈寺址明洪

武間知州唐志大遷建 樂平在登高山之巔明萬曆間

知縣鍾化民遷建 浮梁在溪南山麓 德興在鳳凰門

外 安仁在治東 萬年在南門外

厲壇在朝天門外明洪武間知府王哲建

各縣厲壇鄱陽附郭 餘干在華林岡 樂平在縣治東北

浮梁在寶積寺山南 德興在白鹿門 安仁在治西

藍溪橋 萬年在治北

南康府

祠

諸葛武侯祠在星子左翼山康熙丁巳知府倫品卓重建  
忠節祠在南康鹿洞西臥龍岡祀漢諸葛孔明晉陶淵明知  
府田瑄有記 名勝志

廬嶽祠在星子縣廬山萬壽寺之上祀廬嶽之神

許旌陽祠在安義縣依仁鄉前有大石高廣數丈一茅插頂  
四時皆青相傳為許遜手植

五賢祠在府學東朱子知軍時訪古今名士居是邦者得陶  
潛劉渙渙子恕陳瓘李常輩建祠祀之 廬山志

豐利侯祠在星子西南三十五里世傳中都侯蔣子文之後  
名軒者仕晉為侍郎出鎮廬江郡後詔赴闕卒於牛角灣  
鄉人立廟宋賜今額朱子有祈雨祝文

顏魯公祠在府城北五里顏家山明萬曆間知府田瑄建  
先賢祠在白鹿洞祀唐李渤宋楊徽之元黃異有吳澄記  
宗儒祠在府城舊名三賢祠祀唐李賓客渤宋周濂溪朱紫  
陽明弘治間提學蘓葵止摹周朱二子像於中而遷李賓  
客主於別室後提學邵寶又以林擇之等十四人從祀改  
曰宗儒祠楊廉李夢陽俱有記

周濂溪先生祠在府學右朱子守南康時建配以二程先生  
張南軒記文公沒門人以二程別有從祀乃奉朱與周同  
祀扁曰二賢祠元末燬明洪武初改建府治南王禕記  
三賢祠在建昌北門外祀周濂溪朱紫陽胡安定知縣李道  
泰有重修記

劉西澗祠在府治東祀宋西澗居士劉渙

三賢祠在府治北祀宋李常蘓軾曾常伯

胡安定祠在建昌縣市東祀宋儒胡瑗元延祐初邑人張菊  
隱重建

紫陽祠在星子白鹿洞康熙四十八年知府張象文建祀朱  
子以林擇之蔡沈黃幹呂炎呂燾胡泳李燔黃灝彭方周  
耜彭蠡馮椅張洽陳宓陳澔十五人配享 白鹿洞志

濟忠祠在都昌西街祀宋丞相江萬里及弟萬頃舊名雙忠  
祠蘓佑有記明萬曆間增祀萬里子鎬萬頃子鐸叅議王  
世懋易其額曰濟忠并記

五呂先生祠在建昌之薊山祀宋儒呂德藝德明德文德昭  
德遠兄弟

李文定祠在建昌西門外祀宋朝奉大夫李燔元廢明永樂

間提學周廣移建城隍廟右

雲住祠在都昌西山下舊名歸經書院明萬曆七年改今名  
祀宋儒雲住先生陳澔

黃節菴祠在星子縣顏家山祀元道源書院山長黃異知府  
田瑄建

王文忠公祠在府學東祀明南康同知王禕有彭夢祖重修  
祠記

周顛仙祠在廬山明太祖勅建并有御製碑記 豫章書

楊先生祠在星子學東祀明教諭楊升正統間知府王端建  
以余南坡配學士錢習禮記

三烈祠在建昌上遼津南明崇禎末左兵過里熊士夔妾淦  
氏同熊女芷姑穎姑投河死浮尸如生鄉人哀之立祠祀

馬

廟

府城隍廟舊在譙樓東明洪武三年遷府治南姚林有記  
各縣城隍廟星子在縣南 都昌在治東唐元和間建

國朝順治十六年重修 建昌在縣北明洪武三年倪恭建

安義在治東明正德十三年建

東嶽廟在建昌治東二里明洪武間知縣倪恭重建

宮亭廟在星子縣神林浦東魏曹毗詩分風爲二擘流爲兩

者是也宋景德間勅著祀典

名勝志

靈濟廟在建昌蘆潭祀龍王之神晉太康間建宋賜靈濟廟  
額元季燬明復建

三將軍廟在府治西二十里世傳秦武士唐健威李德父宋

刁雲棄官學道隱於廬山不知所終鄉人爲之立廟

吳王廟在安義縣依仁鄉祀吳王芮

樊將軍廟在建昌治北十里相傳祀漢將軍樊噲宋封威利

侯一在安義治東名西域廟

寶蓮廟在安義縣東控鶴鄉祀漢梅福

漢壽亭侯廟在府城冰玉澗

陶桓公廟在府城北祀晉陶侃宋淳熙間朱子奏賜廟額劉

義仲記元吳澄有重修記明洪武四年勅賜晉侍中大司

馬長沙陶桓公之神每歲夏季舉祀一在都昌縣

文孝廟在府治西灣祀梁昭明太子統

洪源廟在安義西山嶺下祀清源妙道真君趙昱

七姑廟在白鹿洞勘書臺下祀唐江州刺史李渤女宋淳熙



間始建

壇壝附

府社稷壇在治西

各縣社稷壇星子附郭 都昌在治南一里 建昌在治北

安義在治北

風雲雷雨山川壇在府東一里錦江驛舊址

各縣風雲雷雨山川壇星子附郭 都昌在縣東望湖嶺

建昌在隆道觀舊基 安義在南門外

厲壇在府治北門外

各縣厲壇星子附郭 都昌在治北二里 建昌在北門外

安義在北門外

九江府

祠

孔氏家祠在廬山西麓相傳宋建明初孔承節重修

曾子祠在德化縣明萬曆二十三年建祀後被焚

國朝康熙六年知府陳謙重建文德翼有記求是堂集

四賢祠在府治東祀漢宋均晉陶潛唐狄人傑白居易

槐里侯祠在瑞昌縣西白龍泉洞口祀漢右將軍萬修

陶桓公祠在府城南甘泉鄉明羅倫有重修記

玉壺祠在湖口都盛鄉相傳晉永嘉間許真君遜祛妖於黃

牛汰人神其事乃立祠

陶靖節祠在德化楚城鄉柴桑山下歲久圯明嘉靖十二年

巡按御史李循義檄知府馬紀重建湖口彭澤俱有祠

陶白祠在府城文明門甘棠湖上祀陶靖節白居易明萬曆

癸丑兵巡道葛寅亮建旋燬

國朝康熙十一年知府江殷道重建有記

三賢祠在彭澤治南唐景龍中建祀晉陶靖節明成化中增祀唐狄文惠仁傑嘉靖間知縣戴璋又增祀宋趙昂發改今名

狄梁公祠在湖口縣下觀音巖祀唐狄仁傑宋范仲淹元滕賓明何倫俱有重修記

元次山祠在瑞昌縣灤溪倉城墩宋蘓軾過此賦詩明嘉靖中知縣洪均偲因合祀結與軾更名二賢祠

白居易祠在府治湓浦門內徐鉉有記

濂溪祠在廬山之麓明正統初御史徐傑副使焦宏即書院故址改建肖像其中一在彭澤縣

張橫渠祠在德化縣赤松鄉橫渠曾孫陽學欽宗朝進士職掌院事會金人之變同長子經次子綸家於吳楚故有祠焉建於元燬於僞漢明宣德間復建又燬於兵

國朝順治十一年知府王孫章重建文德翼有記

求是堂集

岳母祠在德化縣白鶴鄉株嶺山下祀宋岳飛之母明正德中知府汪穎建

岳武穆王祠在府治南明正德七年知府李從正建一在湖口縣

趙忠定祠在德化廬山麓祀宋相趙汝愚

五賢祠在德安縣祀宋守李澗楊沂王秬李邦獻李若川

四忠祠在德化豐儲坊祀歷朝死事諸臣宋鈐轄趙士隆元總管李黼明經歷彭永春德化知縣朱華玘文德翼有創

四忠祠序 求是堂集

李文忠祠在府治東豐儲坊祀元總管李黼賜額崇烈明弘治三年知府童潮以兄冕姪秉昭配祀自為記周敘又記按豫章記載丁鶴年詩云叔姪並歸忠義傳江山不盡古今愁舊志止載文忠一人今為補入

王文成祠在府治南萬曆間兵巡道葛寅亮建

表忠祠在湖口縣成德嶺下祀明給事中鄒逢吉

義烈祠在瑞昌演武廳右明嘉靖辛酉流賊犯廣信巡撫胡

松檉瑞昌鄉兵柯談吳黃王五姓勦之事既竣錄死事者

三十人自為文祭之

廟

府城隍廟在德化太寧坊元皇慶間重建吳澄有記

各縣城隍廟德化附郭 德安在縣西宋淳熙七年建 瑞

昌在縣西興教坊右明洪武間建 湖口舊在縣治旁元

至正間遷治西北 彭澤在興賢坊宋建

祝融廟在府城文明門甘棠湖上

匡君廟在德化南臨驛前祀匡裕兄弟 太平寰宇記

九江王英布廟在府城福星門外

漢壽亭侯廟在德安縣南門外

祖將軍廟在鄱陽湖中唐歐陽詹集云魯國顏公頃為湖州

牧州產碑材公載石還次江州蛟奔蟠引直至湖心則茂

林峭石勢環氣騰有神祠曰祖將軍廟公異而新之製文

勒碑以記將軍蓋祖述也

謝安廟在瑞昌金城鄉

英烈廟在彭澤縣北清涼寺左唐貞觀間創祀梁昭明太子  
蕭統宋嘉定甲申賜號英烈

楊東山廟在瑞昌治南祀唐禮部侍郎楊復仁

廬山使者廟在德化縣唐開元十九年勅建 名勝志

東嶽廟在府治東即唐景星書院舊址

龍王廟在府城湓浦門外

大孤山廟在大孤山頂宋隆興間建

顯濟廟在瑞昌安泰鄉白龍泉側宋嘉泰間建賜額顯濟

陶九相公廟在德化九龍灣明正德中九江大旱有僧謂湖  
濱父老曰諸神能救旱者惟陶九耳今其像在黃梅五祖  
寺之廡下父老怪之往訪迎歸果大雨因祀之按陶九天  
完之裨將也

壇壝 附

府社稷壇在治東北

各縣社稷壇德化附郭 德安在縣北一里 瑞昌在縣西

北 湖口在湖塘山後 彭澤在觀音山

風雲雷雨山川壇在府治文明門外

各縣風雲雷雨山川壇德化附郭 德安在縣南 瑞昌在

治南半里 湖口在松壽山右 彭澤在縣治南

厲壇在府治望京門外

各縣厲壇德化附郭 德安在治東 瑞昌在望仙橋東

湖口在西灣塘 彭澤在縣東北

南安府

祠

梅將軍祠在府治東山麓祀漢臺侯梅鎬

庾將軍祠在大庾水南玉池坊祀漢將軍庾勝今廢

李衛公祠在大庾水南玉池坊祀唐李靖已廢

張丞相祠在庾嶺雲封寺祀唐張九齡明成化間知府張弼

暨南雄知府江璞拓地重建

廖公祠在上猶城東南祀唐時顯聖禦寇護國佑民廖公歷  
宋元明代加崇祀

狄太尉祠在大庾水南東山麓祀宋武襄狄青

東坡先生祠在大庾學右姚希得有記後併祀寓賢祠

四賢祠在大庾學東舊名道源書院祀宋周元公二程子

國朝康熙間知府靳襄增祀宋程大中珣改今名

寓賢祠舊在大庾寶積寺後名五賢祠祀宋程大中珣蘓子

瞻軾劉器之安世江名表公望張子韶九成明成化庚子

知府張弼遷城南玉池坊增祀蒙川劉黻更今名教授史

昱有記

岳武穆祠在大庾水南東山麓祀宋少保岳飛

康侯祠在大庾孝友坊祀宋節度使康保年

文丞相祠在道源書院左祀文信國天祥以督府諮議大庾

唐仁上猶李梓發及上猶義士黃賢張伯子劉淵子張南

仲陽清叟黃桂發配食

忠義祠在上猶學宮後祀宋令李申翼義士李梓發唐仁黃

賢張伯子劉淵子張南仲陽清叟何時黃桂發

賢女祠在南康縣西二十五里宋端拱間建祀劉氏女政和

六年曾定國有重修記明嘉靖甲寅知縣曾迪重建天啓

間知縣陳瑾爲文勒碑大書賢女自沉處

甘烈婦祠在上猶縣妹資潭祀宋烈婦何用妻甘妹資

南岳行祠在府城西瑞應坊歷代祀南岳之神

文昌祠在上猶縣治東明天啓間知縣陳鍾英建

龍母祠在府治東廣化院左水旱疾疫輒禱於此

張總管祠在大庾衙背巷祀元末總管張元祚

大節祠在南康學東祀明叅政蔡運

楊韓二中丞祠在大庾玉池坊城隍廟西初祀明巡撫侍郎

楊寧後增祀巡撫都御史韓雍今圯

王陽明祠一在大庾玉池坊名報功祠久廢一在南康旭山

劉節有記一在上猶學後名感恩祠一在崇義學東萬曆

間知縣林際春有重修記

韓襄毅祠在南康縣旭山祀明虔南巡撫韓雍與王守仁並

祀

張東海祠在府治西明弘治間建祀知府張弼正德間以知

府鄧應仁合祀

白沙祠在大庾之玉枕山明成化間建祀新會翰林檢討陳

獻章已廢

西洲祠在上猶學右明嘉靖間知府林介遷學有功故祠之

周守祠在府治東祀明知府周鏜後改爲遺愛祠增祀知府

鄧應仁鄭登高陳堯後圯俱併入名宦祠

林宰祠在崇義觀音山下祀明令林大佐吉水鄒南臯書匾

曰清風堂今惟址存

廟

府城隍廟在管界都玉池坊仍宋元明舊址

各縣城隍廟大庾舊在興教寺左康熙七年知縣胡濬改建

府城隍廟左 南康在城東北隅明季燬於兵順治十二

年知縣鄭思魯重建 上猶在縣治東 崇義在儒學左

三皇廟在上猶縣東城外今圯

龍王廟在南康九牛水驛舊址一在崇義縣

琴龍廟在上猶治西五十里元延祐丙辰旱達魯花赤楊伯

顏察兒因禱雨有應祠之

壇壝

附

府社稷壇在寶豐門外寶珠山南明正德辛巳知府何文邦

改置

各縣社稷壇大庾附郭 南康在縣西印塘 上猶在治西

一里 崇義在城西

風雲雷雨山川壇在府城南一里明洪武初知府宋琪建正

德間知府何文邦重修

各縣風雲雷雨山川壇大庾附郭 南康在縣西南古城嶺

上猶在治西一里明洪武七年知縣劉大錫建 崇義

在城南

厲壇舊在府城北太公殿後山坳下明洪武間知府宋琪建

正德中知府何文邦遷金蓮山

各縣厲壇大庾附郭 南康在治北旭山亭右 上猶在城

東資壽山後 崇義在城北

贛州府

祠

名將祠在安遠西門外明知縣王卜相建祀漢韓信宋岳飛  
霜降致祭

忠臣祠在寧都文明門內祀唐張巡

葛姆祠在興國衣錦鄉相傳自交趾至此築城因家焉宋慶

元間知縣莊夏禱雨靈應額曰惠應

五賢祠在寧都延春谷舊為孫氏四賢祠宋熙寧中復以介

夫配改五賢祠元吳澄撰碑記趙子昂書 吳文正集

黎氏賢良祠在寧都安靖坊祀後梁刺史黎球宋進士黎仲

吉修撰黎珣元至治間建吳澄有記 同上

周濂溪祠在雩都羅田巖即周子講學之地嘉熙庚子縣令

周頌建以二程子配

程大中祠在府學右宋紹定六年州守姚鏞肖像建祀

清獻濂溪祠在府治西北隅宋贛守胡榘建文天祥有記明

贛縣知縣陳履忠移建光孝寺左改廉泉書院

清忠祠在府治宣明樓右祀宋趙清獻抃文信國天祥明都

御史周用重新之自為記後知府羅輅移建府治外有歐

陽鐸記

玉巖陽先生祠在通天巖明憲使趙御名建祀宋祕書陽孝

**本**嘉中政祠巖下

忠烈祠在瑞金治右祀宋諫議大夫劉鵬知州劉舉夔父子

明隆慶間知縣李若愚建并記

名賢祠在興國之安湖宋慶元間建祀程大中父子方逢辰

有記明萬曆間知縣何應彪改名增祀三程居中左信國

而右文成葉向高有記



五賢祠在興國治左祀宋程顥程頤李朴文天祥元元明善  
尹天民祠在會昌舊學宮之左

精忠祠在府南景德寺右祀宋岳武穆王飛

忠節祠在龍南學左祀元尹陳泰

雙節祠在信豐儒學東祀元尹李廉及其子敬

繹梅謝公祠在府北玉虹塢前祀明都御史謝杰里人謝詔

記已廢

王文成祠舊在府治東南今遷府學之右有石刻像南昌張

位記

報功祠三一在贛縣學右祀新建伯王守仁以知府邢珣配  
一在長寧鎮山樓左祀總督江一麟叅政張士佩副使朱  
茹知府葉夢熊一在安遠治西祀王守仁及虞守愚有李

春芳記隆慶間增祀吳百朋李多祚崇禎十年又增祀潘

曾紘謝時旦

陸中丞祠在府學左祀明都御史陸穩有尚書張鰲碑記

海忠介祠在興國治西祀明令海瑞有王芮記後增祀盧宁

更名盧海祠曾于拱記

國朝康熙甲子去盧以黃維桂配改海黃祠辛卯知縣張尚

瑗益以宋程珦莊夏與盧黃並祀焉

何善山祠在零都北門濠背祀明工部主事何廷仁

盧太常祠在寧都城隍廟右祀明太常盧達

盧令祠在府館右祀明興國知縣盧宁副使曾于拱有記

羅念菴祠在贛縣鳳凰臺祀羅洪先以講學之地改建

萬令祠舊在瑞金北街明正德丙寅建祀死難知縣萬琛嘉

靖間遷府館右隆慶間知縣呂若愚重修匾曰忠令祠後  
知縣程宗舜以嘉靖死難義勇鍾華鐸等十四人從祀  
國朝順治二年死於廣寇義勇李開上李生豔五年死於江  
賊楊耀明等百餘人俱附祀焉

四賢祠在瑞金龍珠寺左祀明末舉人朱國卿諸生謝長良  
楊兆隆謝啓彥知縣吳可敷有記

烈女祠在會昌麗澤門內祀明平遠知縣王化妻計氏  
英烈祠在會昌珠欄舖祀死賊義勇劉震

佟中丞祠在府城湧金門內祀贛撫佟國器後因水患改建  
牌頭街

郎永清祠在府城棉布街吉水李元鼎有記康熙四十四年  
以子廷極巡撫江右

御書世貞堂字額懸之祠堂學道劉琰有記

廟

府城隍廟在萬壽宮左

各縣城隍廟贛縣在治左明萬曆間知縣楊汝昇重修邑人

謝詔記 雩都在治東明洪武間知縣宋弘建 信豐在

南門外 興國在北門外明知縣馮欽建 寧都在治西

明天順中建 會昌在麗澤門內康熙庚辰典史王大憲

倡建 安遠在治西 瑞金在察院司右宋建 龍南在

治東宋令鄭輪建 石城在治東北順治壬辰知縣董令

譽重建 定南在學宮左 長寧在城北大街

昌文侯廟在雩都治西舊云灌嬰定江南置豫章郡尉陀擾  
邊嬰將兵擊之駐於雩築城東溪即其駐壘處立廟祀之

宋紹熙庚寅燬於寇嘗有人掘其處得石瓦於左池可爲  
硯州守洪邁有灌瓦硯銘

江東廟在贛縣雷岡之上祀秦石固屢著靈異唐大中間里  
人周誠重建宋嘉祐賜額顯慶紹興加封昭烈文信國有  
記元加封王號明洪武中勅有司歲以正月初八誕日致  
祭移祀城內四路口宋濂有記

廣濟廟在府城北儲潭山麓相傳晉咸和二年州守朱瑋提  
兵討蘓峻次儲潭夢神告曰我爲儲 奉帝命司此土人  
無知者君能爲廟祀當有以報瑋如其請祠之乃行果克  
敵而返宋紹興中賜今額元至順中修有劉泰記明洪武  
間儒士呂理募修知縣陸賢記

潛靈廟在府治南噴龍石之麓晉咸康五年太守庾恪建以  
祈雨靈應宋賜今額明永樂中勅封廣潤侯勒碑廟前  
英顯廟在瑞金東城內爲唐義勇馮祥興祥禎祥兆建宋紹  
興間賜額英顯

博濟廟在寧都潭富村宋崇寧乙卯建祀南唐邑人胡雄賜  
額博濟明進士莊震孫記

孚惠廟在寧都之北郊祀五代時都督嚴夏宋建炎紹興間  
屢以靈異加封爵邑人曾原一記

歐陽將軍廟在安遠龍泉保神名是五季時以禦寇功仕楊  
吳授工部尚書嘗與妹九姑屯兵嶺上後人立廟其地宋  
端平間贈晃千牛衛將軍

張武翊廟在安遠寶陽門外相傳武翊爲巡檢捕賊戰沒馬  
銜其首以歸馬遂死邑人葬其首并埋其馬因名白馬墓

立廟祀之

開平忠武王廟在府治南明初常遇春提兵下贛不戮一人  
詔許廟祀知府陳璧建

東嶽廟在石城進賢坊明熊懋官有重修記

雩山廟在雩都宣義鄉宋淳熙丙午州守周必正建祀雩山  
之神邑令周頌記明知縣蘓恪重修

軍山廟在寧都東門外以祀軍峰山神

琪湖廟在安遠修田坊宋嘉定間知縣陳樸建祈禱輒應明  
洪武十七年知縣周泰重建

溥濟廟在寧都雙魚洲又名龍王廟至元中建祀水神謝端  
公明萬曆邑人重修改其額曰靈濟同知何天德有記

壇壝

附

府社稷壇在西津門外明洪武庚戌知府鄒奕建

各縣社稷壇贛縣附郭 雩都舊在水南祕書坊明洪武間

知縣宋弘遷建妙淨寺西 信豐在城西禾豐門外 興

國在許瑤岡之陰 會昌在黃坊 安遠在大興寺後

寧都在治西二里 瑞金在城西 龍南在南門外 石

城在西城外即明儒學射圃舊址 定南在縣西 長寧

在城西南一里

風雲雷雨山川壇在鎮南門外

各縣風雲雷雨山川壇贛縣附郭 雩都在縣治西南 信

豐在禾豐門外 興國在南岡康熙丙戌知縣張尚瑗重

建邑人劉天真記 會昌在黃坊 安遠在濂江坊 寧

都在縣西南 瑞金在縣南二里 龍南在南門外 石

城在縣南 定南在縣南 長寧在城南二里

厲壇在府城北

各縣厲壇贛縣附郭 雩都在縣北二里康熙丙戌知縣盧

振先重建 信豐在縣北三里 興國在演武亭東 會

昌在治西南水背 安遠在古田坊 寧都在縣北明洪

武間知縣莊濟翁建 瑞金在縣北一里 龍南在西門

外 石城在風禽嶺 定南在縣北 長寧在城北一里

西江志卷第一百九

西江志卷第一百十

邱墓

達觀今昔千載旦莫存則其人歿則其墓三年石椁速朽  
為愈不朽者存鬼靡新故纍纍賜域或穴狐兔惟彼子孫  
悽霜愴露其在名賢一坏旅寓過者徘徊敬而生慕牛羊  
勿踐嚴於禁步緬彼風流賴茲表樹作邱墓志

南昌府

周

澹臺滅明墓在府城內東湖上總持院後史記仲尼沒滅明  
南游至江居於楚友教士大夫後人遂相傳為葬此宋漕  
使高述題曰魯澹臺子羽之墓後程大昌築祠於傍堂曰  
友教明知府范涑重修

國朝康熙五十七年學使王思訓立石題曰先賢澹臺子之墓

漢

許劭墓在南昌故松陽門內劭避亂隨劉繇奔豫章中路疾卒吳天紀二年太守沈法秀於廳事恍然如夢見一人着黃巾練衣稱汝南許子將求葬因忽不見沈遂具葬事莫知其遺骸所在乃招魂葬此 太平寰宇記

徵士徐穉墓在南昌進賢門外望僊寺東濱濠隧道深五尺墓居其中墓前有石刻隸書漢南州高士徐孺子之墓碑唐張九齡有墓碣文

按涂廩古今志墓在南門外尉廳之側太平寰宇記墓在州南一十里白社西吳赤烏中太守謝景于墓側立

碑嘉禾中太守徐熙於墓隧種松永樂間太守夏侯嵩於墓傍立思賢亭齊王倫為豫章太守下車祭孺子墓宋南渡後亭毀墓湮南昌尉張敬之因葺官廨披榛得焉元至元中參政徐玟識墓植垣明洪武中知府許方王莊相繼修理萬歷十五年知府范涑檄南昌知縣何選復修豎高士寢路枋於衢側

吳

齊王孫奮母墓去郡城十里

按吳書奮母仲姬墓在豫章豫章太守張浚為之掃除墳塋遂及禍云

建昌都尉太史慈墓在奉新縣南鄉地名感古其縣西磐山有太史城皆其用武地也年四十一卒葬於此 豫章書

丹陽太守聶友墓在郡東南二十里

按雷次宗豫章記郡東南二十里有大塚相傳為聶友塚方輿記云在州南二十九里又新淦縣南有聶友墓未知孰是

太守鄧粲墓在南昌城南三十里 名勝志

晉

范登雲墓在豐城縣超山俗傳昇柩至此雷雨暴作棄而歸明日視之白石掩棺而成墓遂號白石墓

徵士范宣墓太平寰宇記云在豫章今失其處

平南將軍溫嶠墓在南昌城南宣妙寺前

按晉書溫嶠葬豫章朝廷追嶠勲德將為造大墓於元明二帝陵北陶侃上表請止移葬以安靈魂詔從之又

按名勝志載圖牒云昔有村疇于桓伊墓下得古甃二款識云晉平南將軍墓去徐聘君墓七里又豫章書云溫嶠墓側有祠諸生肄業祠中多掇上第於是邢家競云吉土可墓近有封而墓者未幾得奇禍公之精英至今猶烈云

江州刺史桓伊墓在府城南六里蔡家坊石闕猶存 名勝志

按太平寰宇記云桓伊塚在州南一十六里明一統志云在府城南門外

許旌陽祖母萬氏墓在南昌四十一都許仙里母何氏墓在

新建西山蕭峰之東

宋

參軍胡藩墓方輿記云在州南十九里

唐

靖州刺史應知頊墓在奉新縣十七都應墓里俗稱應史君墓名勝志

御史中丞王季友墓在豐城縣櫛山明一統志

南平王鍾傳墓在新建縣距小石頭十里隧前有八角井

鄭儋墓在進賢縣西十五里宋紹興四年龍塘人鋤地得韓

愈所撰鄭儋墓碑今不存名勝志

魏徵士墓在進賢縣東四十里

按塚廟記唐有魏徵士者逸其名棄官隱長定鄉因讀書於堯城山三徵不起故人稱徵士云今縣有魏徵士亭魏相公廟是也

進士歐陽持墓在新建縣西忠信鄉

贈司空李承孺墓在豐城楊子洲豫章書

南唐

齊王李景遂墓在新建石頭津西為洪州節度使卒葬於此

保順郡公墓在新建西山龍泉院即景遂子

節度使林仁肇墓在南昌縣東十里齊城岡之側

羅靖墓在奉新進城鄉龍泉山門人私謚仁節先生

徐鉉墓在新建縣西山鸞岡

按蘇轍藥城集致書知洪州孔宗翰云徐公鉉墓在新建鸞岡公歿於淳化辛卯無子故人胡克順葬之春秋奉祀自克順死未及百年墳塋荒蕪聞民間利其材木至訟而爭之宗翰得書遂修除墓所禁其樵牧云又按紹聖中為耕民發掘知洪州張商英索其罪改兆鸞岡



之陽命翠巖寺僧主之建祠以宅其魂并繪公父延休  
與弟錯像

宋

岐國公陳執中墓在南昌縣賜葬張方平撰神道碑  
進士黃夢升墓在分寧董坊歐陽修誌銘今屬寧州地歐陽  
文忠集

廣西轉運使李寬墓在新建桃花鄉之曹山王安石誌銘  
臨川集

知州黃子耕墓在分寧雙井魯直從祖也葉適誌銘水心集  
余真墓在寧州磔口曲灘

知永新令黃介墓在南昌縣黃庭堅志銘  
豫章書

章明揚墓在分寧縣黃庭堅志銘

黃文節庭堅墓在寧州雙井卒宜州歸葬於此嘉定間分寧

知縣李仁方修理黃疇若為之記明宏治間都御史林俊

增修

知隆興府張仲芳墓在南昌松亭里

少卿范應鈴墓在豐城縣東勅葬  
明一統志

侍郎龔日升墓在南昌淡溪

尚書黃疇若墓在豐城沈江里勅葬

郎中李虛舟墓在新建桃花鄉雷岡

丞相京鏜墓在新建桃花鄉雙港楊萬里志銘  
誠齋集

侍郎徐鹿卿墓在豐城桂村

侍郎楊魁墓在新建太平鄉芙蓉山

知州胡敦實墓在靖安標榔山

節判余炎午墓在靖安沙溪山

知樞密院吳居厚墓在進賢歸仁鄉

按宋史吳居厚本傳止載卒於洪州人物志云初勅葬進賢縣鍾陵鎮賜奮德褒賢之碑後又奉勅改葬麻仙山命學士強淵明志銘即今處也

兵部侍郎李大東墓在靖安縣北三十里象湖嘉定十七年勅葬於此翁仲碑碣尚存鄉人稱為李府塚

翰林學士劉起龍墓在靖安縣西富仁鄉

端明殿大學士徐經孫墓在豐城桂村

安撫使雷宜中墓在豐城縣

學士鄧震亨墓在新建縣蜀谷

員外郎范濬墓在進賢縣十五都同口

直寶章閣羅必元墓在進賢崇信鄉自為銘

司錄叅軍舒邦佐墓在靖安盆田都學士李大異銘

鄉貢士陰應夢墓在靖安白香山

知州于革墓在豐城縣西月湖上

提刑司幹劉充墓在豐城縣曲江

丞相章鑑墓在寧州高鄉佛壇

朝請郎陶夢桂墓在進賢縣人物志

元

孝子廖立孫墓在豐城西南長安鄉學士揭傒斯題其碑曰

有元純孝廖立孫之墓明一統志

處士熊靖逸墓在豐城富城鄉揭傒斯志銘揭文安文粹

集賢學士追封豫章郡公揭文安墓在豐城富陂有歐陽元

志銘黃潛撰神道碑黃文獻集

按文安父來成墓在豐城查山見程鉅夫雪樓集

福清州判熊朋來墓在南昌進賢門南朱姑橋吳澄表之虞

集志銘道園學古錄

二八居士墓在豐城縣南鄉相傳為中山武寧王徐達遠祖

舒廉夫墓在靖安桃源山吳澄志銘吳文正集

修職郎雷昇墓在豐城縣虞集志銘道園集

處士余尹武墓在靖安棠棣都

萬戶萬友信墓在南昌劉岡

藍田令黃用中墓在南昌瑶湖西

贛州路知事余仁仲墓在新建張家山之側解縉撰表張元

禎記其碑陰

孝義趙一德墓在進賢龍塘寺右

黃冲墓在南昌縣死偽漢之難越六月其父始得其元斂而

葬于招賢鄉

僕列篋墓在南昌縣南昌死義傳

瀟峰朱隱老墓在豐城瀟峰之下宋濂志銘宋學士集

烈婦李夫人墓在新建西嶺鎮梅岡夏氏諱婉常宗頤之妻

陳友諒亂死節井中葬此王禕志銘王文忠集

明

文淵閣大學士朱善墓在豐城雷塘聶鉉志銘

知府程國儒墓在府城總持寺傍

按江域名蹟記云附葬徐孺子墓側

寧獻王朱權墓在新建西山緱嶺勅建名勝志

寧惠王朱盤斌墓在新建西山遐齡峯下明一統志

按寧藩墓在南昌新建者不獨獻惠二王前志皆略而不載今除宸濠叛逆外凡襲封王爵者悉錄以備考稽  
宜春安簡王朱磐烱在新建禹港茅窩新昌安僖王朱磐炷在新建田西信豐悼惠王朱磐煇在新建遐齡峯  
寧靖王朱奠培在新建烟溪雙嶺宜春宣和王朱奠培  
在新建千重里瑞昌恭僖王朱奠墀在新建青山頭樂  
安昭定王朱奠堽在新建蓮花心石城恭靖王朱奠堵  
在南昌鄧家埠弋陽榮莊王朱奠璫在新建洪崖鄉寧  
康王朱覲鈞在新建潤溪宜春懷簡王朱覲鐔在新建  
梅嶺樂安溫隱王朱覲鎰在新建盤龍山石城端隱王  
朱覲鎬在南昌望水岡弋陽僖順王朱覲鏢在新建永

壽山鍾陵王朱覲錐在南昌牛尾閘建安簡定王朱覲  
鍊在新建雙嶺瑞昌榮安王朱覲錫在新建官莊樂安  
靖莊王朱宸湔在新建隆壽山石城安恪王朱宸浮在  
南昌鄧家埠弋陽莊僖王朱宸洳在新建永壽山端惠  
王朱拱楨在新建縣洪崖鄉恭懿王朱多焜附焉

知縣胡以直墓在南昌雷塘朱善志銘 朱一齋集

太子賓客胡儼墓在南昌進賢門外九里廟東勅葬

大理寺丞劉端墓在南昌古塘

吏部尚書黃宗載墓在豐城梨園岡勅葬

忠節王高墓在新建永和門外萬歷間知府范涑檄修其墓

主事史安墓在豐城縣楊士奇表其墓 楊東里集

都御史孫曰良墓在豐城敷山勅葬

都御史向瑤墓在進賢縣勅葬

尚書李宗頤墓在靖安大梓都

丁襄毅鉉墓在豐城熊墓橋死土木之難奉勅招魂葬衣冠

於此 皇明世法錄

副使涂昇墓在豐城南興隆岡張昇志銘 張文僖集

冢宰李裕墓在豐城文岡橋先時羅夫人奉勅葬遺令勿乞

祭葬擾鄉里

學士張元禎墓在南昌松亭里

謝文莊一夔墓在新建遊仙鄉

周僖敏季麟墓在寧州逸山弟季鳳墓在犀津

楊文恪廉墓在豐城銅湖勅葬

熊恭肅泱墓在南昌縣南六十里超溪側

都御史宋景墓在奉新寶臺左勅葬

尚書萬鏜墓在進賢縣勅葬

尚書李璣墓在豐城縣山谿峽

侍郎丁以忠墓在新建縣青峰嶺

尚書李遷墓在新建縣勅葬

廣西巡撫劉良弼墓在南昌黃臺鄉萬歷十三年勅葬萬恭

志銘蘇濬撰神道碑 洞陽子集

太常卿魏恭簡良弼墓在南昌黃臺鄉萬歷十三年勅葬

工部尚書吳桂芳墓在新建精忠寺勅葬

贈吏部侍郎鄧儼墓在新建鳳岡山其子以讚廬墓有紫芝

甘露之瑞

鄧文潔以讚墓在新建大岡山勅葬

蔡恭靖國珍墓在奉新奉化鄉石溪諭祭遣中翰左光斗營

葬鄒元標志銘 太平山房稿

贈太保雷禮墓在豐城范塘奉勅遣官營葬

兵部侍郎杜晞墓在豐城港西揭坪勅葬

兵部尚書陳清襄道亨墓在新建石賀山左奉勅遣工部主

事余詩訓營葬

按察司僉事熊景墓在南昌縣張昇志銘 張文僖集

左叅政熊桂墓在新建五諫鄉蘭木橋嘉靖間葬舒芬志銘

處士萬英墓在南昌隔塘山舒芬志銘 舒梓溪集

張文端位墓在新建隍城橋天啓間遣官祭葬

禮部尚書唐大章墓在豐城荷塘塹頭下勅葬

禮部尚書邱士毅墓在豐城雷家埠崇禎間勅葬

大學士劉一燝墓在南昌縣崇禎間勅葬錢謙益志銘 有學

集

仁義塚在新建西山之陽正德丁卯費愚聞二弟溺於池奔

救之亦沈而死所聘濮氏女貞聞訃自經死並葬於此以

愚死於仁女死於義號其塚曰仁義塚 楊文恪集

國朝

贈兵部尚書傅宏烈墓在進賢縣康熙二十一年

勅賜祭葬

贈叅將李永昌墓在奉新縣李以死難予祭葬

工部尚書熊一瀟墓在南昌縣寶寧山康熙四十六年

御賜祭葬

瑞州府

漢

梅尉子真墓在新昌梅村道院

宋

謝靈運墓在府治南二里 明一統志

唐

祭酒幸南容墓在高安調露鄉幕山

刺史盧肇墓在上高望蔡鄉

按袁州宜春亦有盧肇墓未知孰是

陳康樂墓在高安高明門外

劉屯田繼勳墓在高安南榭岡

叅議蕭瓚墓在高安寶政鄉

節度副使蔡劍墓在古建城地今屬新昌隆道觀左

孝子廖洪墓在高安南石橋 圖經

按袁州府志及萬載縣志載有廖洪墓今據圖經改正

南唐

校書郎沈彬墓在高安宣政鄉

宋

進士劉渙墓在府治北五里一云葬星子少府嶺

分宜令雷孚墓在高安洞山寺後

中順大夫劉愿墓在高安鹽洲之上今屬新昌地

太府寺丞呂祖儉墓在府城朝陽門外朱子表之曰大愚叟

墓 朱子全集

進士魏京墓在高安朝京門外

樞密使雷孝友墓在新昌縣池源

陳世昌墓在高安務農鄉與上官忤棄職號大田老農自撰墓銘及卒葬此幸元龍為之銘 松垣集

明

狀元姚勉墓在新昌縣靈源

侍郎陳政墓在新昌羅頭嶺政以治河卒儀真驛舍勅葬

太保尚書吳山墓在新昌螺佛巷

侍郎鄒維璉墓在新昌皂田烈皇稱璉為天下第一清忠卒

遣官賜祭葬 明史

忠節吳甘來墓在新昌挈源

國朝賜謚莊介給祭田

袁州府

漢

宜春侯劉成墓在府城東南宜春臺下長沙定王子成也 明

一統志

按太平寰宇記云州東南一里有定王塚

將軍易洗墓在府西將墳山武帝時領兵至州卒因葬焉 名

勝志

侍御史陳重墓在宜春陳雷里今屬分宜縣

晉

隱士袁京墓在宜春縣東五里袁山之下 太平寰宇記

治中習鑿齒墓在分宜縣北棗木山苻堅之亂隱居萬載書

堂山卒葬于此 名勝志

梁

丞相袁璞墓在宜春袁山高四尺翁仲石獸尚存 名勝志



宣猛將軍湛陀墓在府城東三十里

明一統志

唐

刺史李憲墓在分宜縣西南三十里李晟第三子為袁州刺

史卒葬於此 明一統志

韓滂墓在宜春郭南里愈之姪孫也年十九卒于袁州署郎

愈有銘 昌黎集

都官鄭谷墓在府城袁山門外江北嶺下祖無擇志銘 祖龍

學集

監察御史黃頗墓在宜春縣城北湖塘

曾文迪墓在萬載冠邱山 名勝志

後唐

辛開宣墓在萬載縣龍山下長興二年由進士為萬載幕官

卒葬於此 宋辛棄疾其後裔也 塚廟記

宋

屯田員外郎李衢墓在府城西三十里

朝議大夫李觀墓在宜春縣南龍會

按萬載雙坑亦有李觀墓

刑部郎中趙汝錡墓在宜春長豐山麓劉克莊志銘 后村集

節孝先生歐陽中立墓在分宜前源山

自齋先生胡安之墓在萍鄉縣 豫章書

越國夫人孫氏墓在府東十里蒲村夫人為成恭皇后祖母

墓在舟渚上兩水分流其下地甚卑巨浸不能没人異之

信王夏協墓在府城南蟠龍山成恭皇后父也 明一統志

知州孫億墓在分宜縣 余靖志銘

元

太史譚觀墓在萬載縣涂口

明

華蓋殿學士劉仲質墓在分宜縣

監察都史簡迪墓在萍鄉烏龜嶺

左長史龍鐔墓在萬載葛家窰易節撰墓表

布政使易節墓在萬載塢溪

侍郎郭瑾墓在萬載紫蓋山

太常寺卿龍暹墓在府城南通濟橋勅葬

主事蕭義墓在府城北焦坑嶺

行人司正袁魯訓墓在分宜青山嶺

知府李瓊墓在萬載西湯坑張元禎銘

侍郎郭紳墓在府城南青山勅葬

副都御史高琬墓在宜春縣東南澤埭勅葬

副都御史張鳳墓在宜春福昌里

御史楊以誠墓在宜春白石里

編修彭鳳墓在分宜縣北

大理少卿宋良佐墓在萬載郭村舖

主事宋希堯墓在分宜縣西楊江鄒元標銘 太平山房集

副使簡繼芳墓在萍鄉黃花橋鄒元標銘

學博嚴堯日墓在分宜縣治東嚴家渡

侍郎張承詔墓在分宜縣南黃土潭

叅議張璧墓在萬載白良水口

廉使彭自新墓在萬載縣濠田

鴻臚寺卿袁業泗墓在宜春東塘有王志道銘  
左都御史鍾炘墓在分宜北鄉門生高爾儼銘  
孝廉劉定登墓在萍鄉上栗市黃坑袁業泗銘  
總督袁繼咸墓在宜春縣蘆村

國朝

巡撫都御史陳之龍墓在宜春縣明村袁繼梓志銘

臨江府

秦

孔母墓在新淦縣南八十里相傳秦時孔邱明修煉于玉笥  
山其母就養卒因葬焉明一統志

按峽江縣志孔母墓今屬峽江縣地

漢

豫章太守許紹墓在新淦縣南十里豫章古今記

陳

司空黃法氈墓在新淦迎春門外石獅猶存

按南史法氈巴山新建人太平寰宇記墓在崇仁縣巴  
山即今之新淦縣也

岳陽王墓在新淦玉笥鄉安山相傳陳高祖第十六子名叔  
慎唐武德中子嵩為吉州別駕遷葬於此今屬峽江縣  
蘇令墓在新淦秋山永定中蘇為巴邱令沒葬於此

唐

藥令墓在新淦東南十里舊志逸其名只載龍紀二年任

宋

王欽若祖墓在新喻東門外

尚書劉立禮墓在新喻縣歐陽修志銘歐陽文忠集

樞密李諮墓在新喻縣西金谿山下

陳擇之墓在清江縣建安鄉楊萬里志銘誠齋集

贈侍郎彭文先墓在清江建安鄉四會山之原元至元二年

四會院僧教本發塚斲棺毀尸盜其藏器子孫愬于官案

其罪危素為之記危太樸集

侍郎彭龜年墓在府南一十里明一統志

學士曾三聘墓在新淦縣中岡

侍郎何昌言墓在新淦泥江下弦

尚書章穎墓在新喻仁孝鄉

元歐陽南谷墓在新淦鍾山鄉歐陽元銘圭齋集

隱士龔茂宗墓在清江蕭州橋傅若金志銘傅與礪集

郎君墓在新淦三十三都劉大芳之後同居十三世元時三

百餘人同日被殲聚塚葬之

明

翰林編修張九韶墓在清江縣碑刻尚存

御史大夫練子寧祖墓在新淦何家山母夫人郭墳亦在焉

練子寧志銘金川玉屑集

大學士金幼孜墓在新淦縣南八十里宣德間勅葬今屬峽

江

詹事習嘉言墓在新喻縣二十八都景泰間勅葬

侍郎傅瀚墓在新喻鳳臺山宏治間勅葬有御祭文大學士

李東陽志銘謝遷撰墓表懷麓堂集

大理少卿張固墓在新喻縣北新田天順間勅葬  
副都御史孫仁墓在新淦縣南成化間勅葬  
尚書陳壽墓在新淦縣南三十里  
給諫黃仁山墓在新淦縣西

大理卿胡叔廉墓在新淦縣有御製碑文

副使吳達墓在新淦鋸源鄒守益表之

副使周謨墓在新淦縣蔡清有墓祭文

山西巡撫朱孟震墓在新淦縣北紅沙塘

贈侍御高歧墓在峽江南障山羅洪先志銘

教授張奮揚墓在峽江縣梅花洲呂柟志銘

### 吉安府

漢

長沙王墓在吉水縣北九十里 明一統志

孝子歐寶墓在安福城南二十里

按太平寰宇記在安福縣南七里

晉

孝子苻表墓在安福縣四望岡之南太元中表年十六因母

姜氏疾將盡一慟而絕太守表其墓 太平寰宇記

司馬道子墓在安福縣 名勝志

按王烈之安城記桓元徙司馬道子於安城元興元年

九月至平都十二月晦鳩之墳在縣東

安成郡侯桓修墓在安福城南五十里元興中桓元篡位以

弟修為安城郡王卒葬於此 太平寰宇記

宋

彭城王劉義康墓在安福縣南

隋

李孝子墓在吉水學西有隋氏連枝樹縣令李恒甫構亭于墓側進士陳宗舜為之記

唐

幽王墓在永豐縣一百六十里鷄籠山下宋時占有異器命掘之其塚遂廢

按名勝志及林志俱載幽王墓獨安志改為烟王不知何據仍從其舊

丞相姚崇先塋在永新學東三十步許塚記

按安志載姚崇母墓塚記載姚崇先塋今從塚記但考唐書本傳崇陝州人先塋不應在此

牛相國母墓在永新縣西南三十里

按江南野史彭昌傳謂僧孺母子寓居廬陵母卒葬縣之西南才德鄉乃入長安擢上第不十數年累秩輔相未幾罷鎮襄陽暴卒故其墳未曾封云又按杜牧所撰僧孺墓志除河南尉拜監察御史丁母夫人憂大中二年薨於東都城南則野史所載母死於僧孺未第之前與襄陽暴卒者皆誤也

鄱陽侯墓在永新縣北三里平南將軍尹濯葬處也名勝志  
幾婦墓在安福縣東六里輿地志云婦獨居無隣以禮自守  
死葬於此舊志謂之獨母墓

匡智衣冠塚在泰和王山駕鶴峯下

後梁

防禦使盧光稠墓在泰和縣西十里越王臺東昔有盜發其墓烏蜂紛出懼而止名勝志

按贛州府志縣東林寺前亦有盧光稠墓

後唐

太尉彭玕墓在吉水縣南豐口

解縉彭氏譜序

南唐

柳國公周廣墓在安福翔鸞鄉相傳李後主煜以梅花公主妻廣封柳國公沒葬于此今楊梅岡復有梅花公主墓

曹國夫人墓在永豐縣西張王廟後相傳為徐侍郎世貞妻墓

柴節度使墓在龍泉三十二都周顯德中有柴克貞者仕南唐為袁州刺史後徙洪州節度使卒葬于此

顏詡墓在永新縣北温塘

宋

祭酒劉玉墓在廬陵石門寺後其裔孫劉子俊劉洙死義招魂附葬有文隆子石門阡表

封崇國公歐陽觀墓在永豐瀧岡子修撰阡表文忠公集

運副使蕭定基墓在吉水縣西五十六都故舍

丞相劉沆墓在永新縣北十里仁宗御篆思賢之碑碑陰有楚公遺像劉定之集

博士王棊墓在安福縣南青岡蘇轍撰銘樂城集

茶陵丞王庭珪墓在安福清化鄉胡銓志銘其弟庭璋葬縣之東郊庭珍葬縣之翔鸞鄉庭珪俱有志銘王廬溪集

著作郎劉弇墓在安福城西李彥弼志銘

學士胡銓墓在廬陵天梁山

叅議胡鎬墓在廬陵白蓮堂祖塋右兄銓志銘胡忠簡集  
丞相周必大墓在廬陵山斗岡明一統志

按宋史益云本傳云寧宗親篆其墓碑曰忠文耆德之  
碑又容齋三筆云公相國時與同里曾崧同仕於朝嘗  
謂崧曰吾欲卜陰陽宅為骸骨計夜夢神人饋珍珠三  
斗不知是何祥也崧曰吾家有山名山斗岡此殆天以  
授公也即以重貨求崧崧曰吾豈以利為即許之卒葬  
焉

張伯儀墓在吉水龍潭劉詵表其墓桂隱集

龔神祖墓在龍泉縣南五十里田塢

歐陽斗南墓在安福城南十里沙塘

聘君王南鵬墓在廬陵宣化鄉楊萬里志銘誠齋集

知州張綱墓在永新縣北二十里周必大撰墓表

贈朝奉郎胡夢昱墓在吉水天獄山

徵士劉大同墓在廬陵高澤鄉楊萬里志銘誠齋集

監丞周必正墓在廬陵金鳳山陸游志銘渭南集

居士劉元弼墓在安福秀峰之西王庭珪志銘廬溪集

永州教授劉安世墓在安福循化鄉封紫嶺王庭珪志銘

隱士王子俊墓在吉水白沙山

丞相文天祥墓在府城南一百四十里淳化鄉明宏治中奉

詔修治

贈敷文閣待制曾如驥墓在泰和上總坑

太學生王炎午墓在安福汶源六里湖



佛母墓在廬陵永和市

按安志首載古定光佛母之墓于秦漢之前事屬荒渺名勝志云宋時有定光僧者為南安巖主當是僧之母墓也

鄧神童墓在泰和盤古山鄧名有興八歲能誦九經通春秋大義入太學明楊文貞立石表之名勝志

元

集賢學士達禮墓在泰和縣署後中書叅議危素志銘危太樸集

隱士劉桂隱誥墓在吉水仁壽鄉東槎灘危素為之銘

將士郎羅曾墓在廬陵縣清湖歐陽原功銘圭齋集

州判周潛心墓安城新樂鄉歐陽原功銘

教諭劉楚蘭墓在泰和縣陳謨志銘海桑集

主簿楊介墓在泰和千秋鄉螺湖劉楚志銘劉槎翁集

蕭彝翁墓在廬陵府學講書臺下

彭氏義阡在龍泉縣雩溪大塘口羅邦之亂彭文遠兄弟子姪十九人聚眾倡義俱死于賊後從曾孫窺置木主招魂葬此王直表之王文端集

明

尚書劉崧墓在泰和金相寺右

御史曾鳳韶墓在廬陵縣朱口

學士解縉墓在吉水縣仁壽鄉楊士奇銘

大學士胡廣墓在吉水天獄山下永樂間勅葬明一統志

都御史羅通墓在廬陵石鼓塘

少保楊士奇墓在泰和縣北五里正統間勅葬 明一統志

尚書周忱墓在廬陵縣北十五里大學士徐階志銘

太保王直墓在泰和縣高坪天順六年勅葬

侍郎羅汝敬墓在吉水縣桃林

都御史熊槩墓在吉水鳳凰山宣德間勅葬有御製碑文

修撰蕭時中墓在廬陵南五十里藤鄧橋

侍郎錢習禮墓在吉水文昌鄉

修撰曾榮墓在永豐縣

學士李時勉墓在安福城南黃牛嶺

侍講劉球墓在安福城西徐潭

尚書劉定之墓在永新縣北五里吏部尚書彭時撰神道碑

兵部尚書商輅表之成化間勅葬

尚書蕭維禎墓在廬陵青源山

大學士陳文墓在廬陵縣北五十里大櫟

布政蕭昺墓在泰和縣高壠勅葬

刑部侍郎曾翬墓在泰和縣南小馬坑何喬新撰神道碑銘

椒邱集

尚書廖莊墓在吉水縣二十四都

學士劉儼墓在吉水縣文昌鄉

侍郎李紹墓在安福金鷄嶺成化間勅葬

大學士彭時墓在安福浮山勅葬

侍郎龍文墓在泰和大塘尾勅葬

侍郎陳宜墓在泰和夢波橋勅葬

贈太子少傅彭華墓在安福縣成化末勅葬李東陽志銘 懷

御史張洪墓在安福官源山

刑部尚書王槩墓在永新縣畫角灘

都御史劉敷墓在永新義山勅葬

副使蕭翀墓在泰和縣梁潛志銘 泊菴文集

少保聶豹墓在永豐縣五都隆慶初勅葬大學士徐階志銘

皇明世法錄

修撰羅倫墓在永豐縣栗園

贈尚書陳鳳梧墓在泰和縣車家田勅葬

副都御史周孟中墓在廬陵北三十里

都御史歐陽旦墓在安福縣牛婆嶺勅葬

副都御史伍符墓在安福縣梅溪

尚書毛伯溫墓在廬陵城北真君山嘉靖間遣工部主事耿

定力造墳頒一品全葬徐階志銘

尚書羅欽順墓在泰和縣桃岡

都御史李中墓在吉水縣赤石潭

贈太保趙璜墓在安福縣花州勅葬

侍郎鄒守益墓在安福北鄉小嶺

都御史周煦墓在安福城西楊村橋勅葬

右都御史歐陽塾墓在泰和官溪嶺勅葬

祭酒羅璟墓在泰和縣白泉山宣德間勅葬李東陽志銘 懷

鹿堂集

狀元羅洪先墓在吉水赤石潭

知縣李楷墓在吉水匡山麓沈一貫志銘

吏部尚書曾同亨墓在吉水縣

侍郎曠鳴鸞墓在廬陵教城崇禎十三年勅葬

狀元劉同升墓在吉水文昌鄉

太常卿王時槐墓在安福縣四十都厚里

尚書尹臺墓在永新鳳凰山勅葬

左都御史李邦華墓在吉水仁壽鄉勅葬留丹集

副使劉光震墓在永新縣趨陂

布衣劉文敏墓在安福縣水口山分省人物考

歐陽夫人劉氏墓在安福縣十里樓嘉靖間勅葬

國朝

尚書李振裕墓在吉水縣谷村翰圃左側

撫州府

唐

羅隱墓在樂安縣地名羅家潭昔有漁者入潭見石上大字不能辨後水落石出視之乃羅隱墳三字明一統志

南唐

李先鋒墓在樂安忠義鄉本真州人領兵勦賊賊平因家焉卒葬于此

宋

侍郎樂史墓在崇仁縣西南青雲鄉明一統志

晏元獻祖墓在府城北沙河相傳元獻曾祖自高安居臨川

垂沒謂子部曰我死葬於牀下部徙家而葬焉掘地得白

鱸三而損其一以其二投水中部生固固生三子元獻與

弟穎舉神童入祕閣而穎夭名勝志

王寺丞墓在金谿靈谷山荆公祖墓也

吳彥弼墓在金谿歸德鄉王安石志銘 臨川集

吳伯俞墓在臨川穎秀鄉謝邁銘 謝幼槃集

贈觀文殿大學士聶昌墓在臨川縣王庭珪志銘

臨川令桑漸墓在府城西

布衣贈祕閣修撰歐陽徹墓在崇仁長安鄉龍源鄧名世撰墓表

樞密羅點墓在崇仁蛇坑葉適撰神道碑文 水心集

學士何異墓在崇仁浮石山莊

陸文達九齡墓在東鄉萬石塘

陸文安九淵墓在金谿永興寺後山 福鄉延當時會葬者千

餘人

陸伯章墓在金谿福林象山姪諱煥之陸游銘 渭南集

博學宏詞鄒次陳墓在宜黃縣烟坑

太常少卿謝旦墓在崇仁河源山塘

羅北郭墓在東鄉縣崇信鄉

過勗墓在崇仁高富山人呼為過至孝墓 分省人物考

隱士吳沆墓在崇仁茶山隱居環溪卒葬于此

進士黃丙炎墓在崇仁雷空山宋亡歸隱葬此

元

吳草廬墓在崇仁神頓坑揭傒斯撰神道碑

承直郎伍興甫墓在臨川明賢鄉柳貫志銘

翰林編修虞汲墓在崇仁荷蓮塘

徵士曾巖卿墓在金谿明山之麓黃潛志銘 黃文獻集

吳梅隱墓在金谿大山塘有虞集銘道園學古錄

隱士孫轍墓在臨川高橋嶺危素志銘

太常博士危永吉墓在臨川梅江下保虞集銘黃文獻集

處士吳定翁墓在臨川梅江下保虞集銘道園學古錄

虞文靖集墓在崇仁南二十四都

嘉魚大夫虞磐墓在崇仁禮賢鄉兄集為之銘

明

禮部尚書危素墓在金谿白馬鄉宋濂銘宋學士集

侍郎黃清墓在宜黃縣蓋村坊

禮部侍郎王英墓在金谿梅坊勅葬

僉事饒安墓在崇仁長坑

尚書謝綬墓在樂安仰天湖

禮部尚書徐瓊墓在臨川金石潭右宏治間勅葬張昇志銘

張文僖集

聘君吳與弼墓在崇仁羅源岡

吳仕彰墓在臨川櫪山崗張昇記張文僖集

知府吳宣墓在崇仁大山門人私謚文節先生

太常少卿吳昊墓在臨川中陂山勅葬

兵部尚書譚綸墓在宜黃二都

尚書董裕墓在樂安五十一都勅葬

五傑墓在樂安縣

按崇禎五年汀韶流寇攻永豐入樂安陳球六張俊五  
陳香四唐大老羅興華等衝賊陣俱死之邑人哀而合  
塋號五傑墓巡撫解學龍為文祭之

建昌府

陳

高祖陳霸先祖墓在新城小合嶺下名勝志

唐

南豐令游茂洪墓在南豐樟潭妻子凡三家每春秋上丁有

司致祭

刺史危全諷祖墓在南城三都界潭

鄧紫陽墓在南城麻姑山

後唐

劉元載墓在南豐劉家窠宋曾致堯志銘

宋

贈諫議大夫曾致堯墓先葬南豐縣東園後改葬龍池鄉王

安石志銘

臨川集

李直講觀墓在南城縣北鳳凰山門人陳次公志銘明成化

三年盜發塚知府謝士元具棺衾易葬羅一峯集

中書舍人曾鞏墓在南豐崇覺寺右宋元以來禊日儒學師

生例祭其墓

翰林學士曾肇墓在南豐縣東北三十里明一統志

著作郎曾庠墓在南豐龍池鄉曾鞏志銘南豐集

房州司戶朱軾墓在南豐火夾嶺其子京官司業葬蛟塘次

子彥官侍郎葬龍池鄉延福寺側

尚書鄧潤甫墓在新城縣禮教鄉普光寺後

主簿曾宰墓在南豐龍池鄉曾鞏志銘南豐集

司封員外郎蔡充墓在南城太平鄉西同上

贈盱江郡侯陳宗禮墓在南城九都

追封衛國公聶子述墓勅葬南城龍塘無極觀側明嘉靖間

知府王度重修立神位於無極觀崇祀建昌府續志

樞密副使李山甫墓在瀘溪縣五都龍溪槐坪

南康簿王无咎墓在南城縣禮教鄉王安石志銘臨川集

處士陳文藻墓在府東龍池李觀志銘

贈縣尉王君玉墓在南城裏屯之原王安石表其墓

進士陳璆墓在南城太平鄉李觀志銘盱江集

封清河郡侯張大經墓在南城縣良湖

侍郎劉號瑞墓在南城十九都

侍郎王羲叔墓在南城水西

徵士黃文晟墓在南豐石仙巖陸九淵志銘象山文集

傅子淵墓在南城縣曾潭函史

駙馬余峰墓在新城大源鎖口紹興十一年鋒父去非扈從

孟太后有功許以公主配其子鋒後卒勅葬于此

贈中散大夫何宏墓在廣昌石人嶺

贈少師曾漸墓在南城太平鄉葉適志銘水心集

學士何坦墓在廣昌蓮花峯

尚書包恢墓在南城縣南十五里明一統志

狀元張淵微墓在新城縣北廩山後

謝元禮墓在南城縣元程鉅夫撰墓銘雪樓集

通判饒廷直墓在瀘溪翁嶺

進士李淵墓在瀘溪陳奮元初徵求不就隱于龍馬峯卒葬

于此分省人物考



元

翰林學士程文海墓在南城四十四都繞堆學士危素有神

道碑銘

建昌路總管程翔卿墓在南城大盤山

教授劉堽墓在南豐蔡家坑吳澄志銘 吳文正集

著作即程大本墓在南城十五都厚山

修撰程世京墓在南城四都烏江山

隱士陳子野墓在瀘溪陳坊

曾氏粉娘墓在南豐超家嶺死紅巾之亂族人收其屍葬之  
明

益端王朱祐檣墓在南城金華山益莊王朱厚曄在南城二

仙山益恭王朱厚炫在南城資聖山益昭王朱載增在南

城華蓋山益宣王朱翊釗在南城七寶山

御史魏卓墓在南城六臺山後練子寧志銘 金川玉屑集

叅政李永年墓在南城大富山

叅議饒晞墓在南城麻源

國子助教朱大中墓在新城前盈山勅葬

禮科給事何澄墓在新城廬江何文淵志銘 東園遺稿

尚書何文淵墓在廣昌揭坊里蕭維楨志銘

按察副使賴巽墓在廣昌佛流口何文淵志銘

叅政賴瑛墓在廣昌新坊里大翁山何文淵志銘

通判李敏墓在廣昌吳田里何喬新志銘

贈禮部侍郎張文質墓在南城麻姑山左時翊志銘

吏部侍郎鄭誠墓在南城大富山楊士奇志銘 楊東里集

布政使饒禮墓在南城銅盤石

叅政鍾旭墓在南城赤面石吳溥志銘

侍郎揭稽墓在廣昌揭坊里徐瓊為墓表東谷集

按察使鄧榮墓在南城縣社林鄉死土木之難詔贈右都御史其子瑋不得父遺體以平昔所收爪髮手橐衣冠殮葬

于此陳循撰神道碑

布政使左贊墓在南城縣雲門寺後何喬新撰墓表

饒雯峰墓在廣昌應山何喬新志銘椒邱集

尚書何喬新墓在廣昌譚家園林俊撰神道碑

贈太子太傅張昇墓在南城上湖源羅玘志銘圭峯集

禮部尚書羅玘墓在南城頊山寺左勅葬費宏志銘

贈太常卿夏良勝墓在南城鳳凰山下歐陽鐸撰銘

文林郎鄭溥墓在南城羊公山羅玘銘曰即官百里人間有

勅葬兩親天下無圭峯集

通判蕭玘墓在南城沙溪朱大器撰銘

布政使張恩墓在南城麻姑山費宏志銘

刑部侍郎朱大器墓在南城北郊張一桂銘

苑馬少卿程燦墓在南城虎頭山下王材撰銘黎川文緒

刑部郎中吳衍墓在南城官坊橋王材志銘

御史左子貞墓在南城麻源羅汝芳志銘近溪集

贈太僕卿鄧維垣墓在南城新城坪羅汝芳志銘

贈禮部侍郎趙師聖墓在南豐龍武陂成基命志銘

郎中李泰墓在新城石碛嶺林俊志銘建昌府續志

祭酒王材墓在新城北門張位志銘問雲館集

同知陳袞墓在新城仙居觀後夏良勝志銘東州初稟  
翰林待詔鄧元錫墓在新城盤溪許孚遠志銘萬廷言撰墓  
表

太僕寺卿鄭悠墓在南城王公山勅葬鄒幹志銘建昌府續  
志

尚書張櫛墓在新城龍尾保勅葬張位志銘

侍郎何源墓在廣昌監南里諭祭葬

推官何濤墓在廣昌吳田里何吾騶銘

鄧維屏墓在瀘溪嚴坑謝德溥銘

叅政羅汝芳墓在南城曾潭楊起元銘

御史鄧澄墓在新城縣黎元寬志銘

太僕卿鄧鍊墓在南城縣快塘葉向高銘蒼霞集

尚書涂國鼎墓在新城黃沙渡徐芳志銘懸榻集

知府黃必登墓在廣昌白竹坪湯顯祖志銘玉茗堂集

贈光祿少卿劉大年墓以死節勅葬廣昌潭山舖

贈大理寺丞蕭漢墓在南豐楊家港

高士黃嘉縉墓在新城縣東魏禧撰墓表魏叔子集

國朝

贈詹事府少詹梅錫墓在南城三都柯嶺大學士張玉書銘

廣信府

漢

赭亭侯李恂墓在弋陽雙窟嶺

唐

丞相閻立本墓在玉普寧寺後

校書郎王貞白墓在永豐治西有碑刻曰唐校書郎王有道先生之墓明景泰間知府姚堂修而表之

曹公墓在鉛山縣曹名殷鄱陽人卒于長安歸葬于此其妻周氏有自述志銘

南唐

司空桂卿墓在貴溪桂林里宋淳化三年勅葬

員外馬遵墓在弋陽歸仁鄉王安石撰墓表臨川集

叅知政事余堯弼墓在上饒永樂鄉

贈光祿大夫應舜臣墓在貴溪大吉山

向子騫墓在上饒河山乃文簡之孫靖康死難宣撫使以聞贈官汪喬年為志

贈通議大夫鄭驥墓在玉山縣東死靖康之難勅賜葬衣冠

于此明崇禎八年十八代孫鄭可遠立碑表其墓

贈開府儀同三司張叔夜衣冠墓在永豐靈鷲山寶積院西

明弘治壬戌知府王塘表之

祭酒徐元杰墓在上饒吉陽山

端明殿學士汪應辰墓在玉山北鄉二十三都

玉山尉喻樗墓在玉山北鄉其子則成墓亦在北鄉之匿坑

德興令韓大亨墓在玉山縣袁正肅表曰純孝先生之墓

丞相陳康伯墓在鉛山九龍岡孝宗書其碑曰旌忠顯德之

碑學士金安節志銘又詔劉珙為之銘

贈光祿大夫辛棄疾墓在鉛山虎頭門紹定間勅葬舊有金

字碑立驛路傍曰稼軒先生之墓謝疊山有記

敷文閣學士晁謙之墓在鉛之鵝湖山晁本檀州人南渡居  
信州卒葬于此

安撫使王埭墓在貴溪舒山金人入寇死之賜葬于此

龍圖閣學士周執羔墓在弋陽永平鄉

承信郎張玘墓在貴溪長湖陸九淵志其銘象山文集

韓元吉墓在府城東

陳文蔚墓在上饒來蘇鄉

少傅趙士初墓在鉛山招善鄉

永豐令王野夫墓在永豐祖印寺後

提刑謝枋得墓在弋陽縣南二十五里舊在京師文明門外

後其子定之奉柩歸葬于此有李仲梁記明一統志

隱士賈元放墓在鉛山北十五里東里趙蕃題曰有宋詩人

### 賈元放之墓

徐夫人墓在興安柏樹林夫人為司空徐誼祖母江氏精女

科應詔醫皇后疾愈勅賜金帛歸卒葬于此

義士李坤四墓在興安縣

元

贈集賢學士張廣孫墓在貴溪長山之中虞集有神道碑銘

道園學古集

處士彭鉉墓在貴溪永和鄉鉉為汝礪裔孫字九萬危素為

之志銘太樸集

翰林劉光墓在上饒安集鄉

明

渤泥國王叔墓在府城南三里永樂十年王進貢還國卒於

此有司為葬焉名勝志

大理少卿李奎墓在弋陽中墩山有勅賜祭文碑

僉都御史高明墓在貴溪金沙嶺何喬新有神道碑

都御史鄭齒墓在弋陽萬全鄉弘治間勅葬舒清志銘

監察御史李艾墓在上饒江家山夏尚樸志銘

副都御史江潮墓在貴溪白溪坂

尚書汪俊墓在弋陽日輪山隆慶間勅葬

侍郎汪偉墓在弋陽日輪山天啓間勅葬

給事王讓墓在府城茶山寺東

舒懷墓在玉山白石井以平姚源寇功有司修其墓立碑建

坊

贈監察御史詹軾墓在玉山縣鏡山

贈光祿少卿鄧顥墓在永豐縣正統戊辰死賊難巡撫楊寧

御史韓雍聞于朝遣官諭祭治其葬

明史

大學士夏言墓在上饒鳳凰山隆慶五年勅葬其母匡大夫

人墓在龍岡上

按夏文愍貴溪人安志遂誤載貴溪今改正

副都御史汪休墓在貴溪大金山

大學士鄭以偉墓在上饒東五十里勅葬

饒州府

周

越女墓在餘干縣東北一里鄱陽記云越王女葬此

漢

吳王芮墓在樂平縣東吳石山

明一統志

按沿革志唐割樂平四十五里入婺源為墓已在所割之中今現在婺源游汀鄉舊志失考宜削之

英布墓在安仁金盤山鄱陽縣志云在城北一百五十里

梅銷墓在餘干縣之梅港明一統志

餘干侯陳靖墓在餘干大慈鄉

族亭侯張遐墓在餘干福應鄉

梁

鄱陽王蕭恢墓在鄱陽五里堡裔孫蕭穎士過盱眙得發冢

盜詰而知之薛河東集吳記

唐

僕射金安墓在浮梁益源都其子叔彥亦祔葬焉

進士柳敬德墓在安仁榮祿鄉咸通元年葬有碑名勝志

將軍朱遷墓在浮梁城門都

御史董全禎墓在德興縣八都

陳大夫軼墓在浮梁苦竹港

顯孝饒娥墓在樂平長城鄉柳子厚有碑記

孝子沈普母墓在德興縣北一十五里元和初有芝草產其

上明一統志

後晉

尚書王璧墓在浮梁苦竹港天福二年勅葬

南唐

許夫人墓在鄱陽薦福山光祿大夫許知柔妻徐氏

宋

侍郎熊本墓在鄱陽薦福山

待制程節墓在浮梁長香鄉

狀元彭汝礪墓在府城延祥觀右

按安志載在鄱陽藥爐山章鳳應續鄱志存浮梁之屏山惟林志則載延祥觀未知孰是

高士章公量墓在鄱陽縣黃山谷為作墓碣蘇文忠題額表之豫章書

金谿主簿徐洪墓在鄱陽東門外曾鞏志銘南豐集

忠宣洪皓墓據縣志在故縣其夫人沈氏墓在鄱陽西山子

适墓在義仁鄉遵墓在芝山邁墓在龍吼山

侍郎程振墓在樂平懷義鄉明一統志

叅議鮑昱墓在浮梁福義鄉

樞密徐俯墓在德興二十二都

叅知政事張燾墓在德興一都

叅政辛次膺墓在浮梁金沙灘靖康時知浮梁縣沒葬此

樞密使汪澈墓在浮梁縣東義合都明一統志

左朝奉大夫王剛中墓在萬年豐樂鄉

封鄱陽開國男余應球墓勅葬德興月潭山後舊屬弋陽

贈少保張潛墓在德興縣南一里

鄭節士墓在浮梁縣西四十里建炎初攝縣事賊張琪犯縣被害葬此

丞相趙汝愚墓在餘干縣南雕峯山子崇憲墓亦在焉

曹无妄墓在餘干萬春鄉粟田朱子表其墓今屬萬年縣

趙善應墓在餘干縣華林岡朱子志銘朱子大全集

程公才墓在德興塘坳里即端蒙祖塋也朱子有墓表



程端蒙墓在德興富春坑朱子有墓表端蒙遺書

進士董銖墓在德興銀城九峯黃勉齋志銘

程伯圭墓在德興漁潭程氏宗譜

忠襄鄒孟卿墓在餘干萬春鄉

太常主簿柴中行墓在萬年新政鄉舊屬餘干縣

朝議大夫余安行墓在德興上林山舊屬弋陽縣

饒雙峰魯墓在萬年萬春鄉舊屬餘干縣

學士趙必愿墓在餘干江婆嶺

尚書朱貔孫墓在浮梁青石灘勅葬

丞相馬廷鸞墓在樂平永善鄉

侍郎李伯玉墓在餘干新政鄉

魯卧雪墓在樂平金山鄉

王松塢墓在樂平懷義鄉

元

封饒國公吳克己墓勅葬安仁崇德鄉山田村

縣尹黎辰墓在樂平金山鄉

葉孝子志道墓在德興縣

侍御史周伯琦墓在鄱陽縣宋濂志銘

教授吳存墓在鄱陽獅子山後

黔寧王祖墓在樂平長城鄉明洪武初勅遣指揮致祭并勒

神道碑

義士胡振祖墓在鄱陽城北

明

淮靖王瞻塢淮康王祈銓淮定王佑榮淮莊王佑楨淮憲王

厚燾淮恭王載培淮順王載堅未謚王翊鉅常清清江王  
端裕等墓俱葬鄱陽八都安山

按安志止載淮靖王一墓今據林志及鄱陽縣志補入  
張令彥方墓在樂平縣治清白堂後皇明世法錄

胡文敬居仁墓在餘干安樂鄉  
副都御史劉城墓在餘干潼山

尚書孫原貞墓在德興縣一都  
博士劉彥昂墓在鄱陽縣義城

府尹王弼墓在鄱陽西山

戴恭簡珊墓弘治間勅葬浮梁益源鄉

布政使張吉墓在餘干貂陂嶺

通政劉濟墓在鄱陽芝山

尚書孫需墓在德興十八都

尚書張憲墓在德興十八都費宏志銘費文憲摘橐

大學士桂萼墓在安仁楊源塘

郎中胡舜循墓在餘干縣霞山

少宰余祐墓在鄱陽和陽鎮

侍郎李頤墓在餘干上瑤山

右都御史朱一桂墓在浮梁下長源崇禎間勅葬

孝子劉彥清墓在鄱陽小渡

勅葬瑞陽公主墓在德興朱潭

程烈女秀淚墓在樂平縣年十三遭變投井董宗文志銘

張烈女墓在浮梁城門都嘉靖初知縣孔僖有祭文相傳初

葬時墓不生草

南康府

漢

海昏侯劉賀墓在建昌縣西北六十里昌邑城內有大墳一所小墳二百許舊稱百娃冢南昌耆舊記

陳

司馬曷墓在建昌縣東二里司馬延義墓亦在焉

唐

侍郎何乾耀墓在星子縣遷鶯谷口致仕後隱居廬山卒葬此

孝子熊仁瞻墓在建昌縣北三十里

宋

贈少傅劉彥誠墓在都昌縣東六十里劉志橋北勅葬

進士劉渙墓在星子少府嶺能仁寺側朱子創壯節亭於墓側為之記曰清風高節著當時而聞後世不幸饋奠無主而邱墓且沒草棘中是吾長民者之責也乃建亭立垣以戒樵牧朱子集

賓客陳巽墓在星子白鹿洞側

蘇州守孫冕墓在星子白鹿洞後皇祐中乞白鹿洞為歸養之地詔從之未歸而卒子琛承先志葬此

樞密副使王韶墓在建昌甘泉鄉一云墓在德安望夫山下尚書吳太沖墓在都昌縣北七十里白鳳鄉歐陽修志銘歐

陽文忠集

員外郎吳舉墓在都昌縣北長城里太沖從弟也

中書舍人孔文仲墓在南康星子縣歸葬時蘇軾拊其柩曰

西江志 卷一百一十一  
世方嘉軟熟而惡崢嶸求勁直如吾經父者今無有矣明  
一統志

丞相李萬卷墓在星子白鹿洞口元祐間嘗讀書白雲菴卒  
葬于此

尚書李常墓在建昌縣西北六十里軍山黃庭堅題其墓甥  
黃大臨表之豫章集

王長者墓在建昌青山之西原有黃庭堅銘豫章集

寧遠軍節度使王厚墓在建昌甘泉鄉大觀元年勅葬

忠文張叔夜墓在星子縣宮亭廟後相傳從淵聖北遷死難  
歸葬于此

教授黃灝墓在星子縣西古山麓明萬歷間知縣陳經立碑  
表之

知軍錢聞詩墓在星子西南十二里錢家湖

朝奉大夫李燔墓在建昌縣北翁家塘後

贈太師江萬里墓在都昌縣石沙灣以死難勅葬

贈太師周國公謝之良墓在建昌桃花峯下

處士呂炎墓在建昌歸義鄉

陳澔墓在都昌清化鄉虞集題曰經歸陳先生之墓道園學

古錄

按危太樸集有元處士經歸先生志銘則澔之卒於元  
明矣今從舊志仍係之宋

馮孝女素真墓在星子顏家山後

元

進士黃異墓在府城北五里

進士雷起龍墓在建昌歸義鄉北山之麓

明

侍講余鼎墓在星子西南古山麓

尚書魏源墓在建昌甘泉鄉勅葬

御史邵嵩墓在都昌縣雙衝山

同知余濂墓在都昌安定廟前

知州周希賢墓在安義猛虎山

檢討黃元齡墓在安義瓦岡山

布政使黃祺墓在安義縣

甘烈女清秀墓在星子少府嶺下

孝子陶誌墓在星子演武亭前知縣陳經立碑表之

國朝

徵士張自烈墓在白鹿洞山麓南康太守廖文英重其品葬

此書碑曰清故處士張芑山墓

九江府

周

匡裕墓在瑞昌歸義鄉匡裕兄弟七人修煉得道于廬山莫

知所終此山之墓僅遺蛻耳至今稱匡葬山云

三國

程普墓在瑞昌安泰鄉周瑜戰赤壁遺普為裨將駐兵江州

赤烏鎮卒于營葬此子孫因家焉

晉

陶侃母墓在府西白鶴鄉侃擇地葬母遇異人云前有牛眠

地可葬言畢化鶴去侃行里許果見眠牛于此因葬之

按舊志侃母墓凡五撫州饒州新淦都昌九江俱有普  
書本傳云侃始居鄱陽後遷潯陽宜在德化白鶴鄉  
陶靖節墓在德化楚城鄉面陽山麓明正德七年提學李夢  
陽清復故址置田以備祭祀

侍中查柏墓在九江匡鄉箸蘆之源永和十二年丙辰葬此  
南康府舊志

宋

江州刺史檀道濟墓在湖口小鳳凰山

唐

鄭善果墓在德安葛洪山鄭為江州刺史歿於官葬此  
後漢

中書舍人歐陽敷墓在彭澤縣五柳鄉

宋

鄭良墓在德安敷淺原之下即善果孫沒葬于此

按名勝志云鄭良嘗登紫巖峯觀敷淺原見白鹿躍于  
馬前曰吉地也歿因葬焉名其處為萬家坂子孫蕃衍  
著譜牒者六十餘家

狀元馬適墓在湖口馬家灣幞頭山

直祕閣胡旦墓在德安敷陽鄉

劉道原墓始葬星子縣西翰林學士范淳夫為文碣其墓後  
十餘年其子羲仲遷德化縣龍泉鄉黃魯直撰銘

豫章集

知臨江軍范端墓在德化仁貴鄉萬家山曾鞏志銘

司封郎中孔延之墓在德化仁貴鄉龍泉原孔子四十七世  
孫也曾鞏銘其墓

南豐集

大常博士鄭詒墓在德安永泰鄉王安石撰墓表臨川集

福州守梅鼎墓在湖口月臺山

周元公敦頤墓在德化栗樹嶺下潘興嗣志銘明弘治三年

知府童潮建祠肖像置田以供祭祀并記

岳武穆母姚夫人墓在德化白鶴鄉株嶺之麓飛鎮九江時

高宗賜葬于此後夫人李氏孝宗賜葬大陽山下去株嶺

十五里

按名勝志及九江何陸舊志俱載夫人李氏亦祔葬株

嶺今載大陽山未知孰是

贈旌忠侯姚興墓在彭澤縣南八十里欽宗時戰歿和州收

葬於此明一統志

進士喻臣墓在彭澤了髻山麓

尚書曹文敬墓在湖口走馬嶺嘉靖中九江兵備道謝迪命

其後裔重修立碑

處士高天錫墓在彭澤武山

縣簿顏希孔墓在彭澤鳳凰山麓

元

丞相燕公楠墓在德安烏石山至元間賜葬于此翁仲碑碣

尚存

丞相朱浩墓在德化九都

尚書劉洪範墓在德化黃土嶺

陶九母墓在德化芳蘭湖上相傳為陶九相公墓者非也墓

有神靈人莫敢犯其邱木鄱陽有魚怪歲以九月上旬乘

風鼓浪入芳蘭抵墓所而還謂之朝墓

月琴塚在德化石耳峯偽漢陳友諒愛姬苕華夫人以善月琴冢前樹石月琴表之

明

知縣鄭思賢墓在德安萬家山洪武間任德安卒葬於此  
監察御史周振墓在德安中嘴山

徵士王奎墓在彭澤張家港

給事鄒逢吉墓在湖口松壽山北甲申殉難櫬歸葬此分省  
人物考

贈給事中黃開先墓在瑞昌赤湖石沃山

贈文林郎文士宏墓在德化仙居鄉大石山下門人私謚安節先生

南安府

漢

太傅陳蕃墓在府東青龍岡蕃被害徙家日南又追至此誅滅友人朱伯厚棄官來哭收葬之墓有三寶值軍亂爭掘之大蛇圍繞墳前崩雷晦雨遂不得發豫章集

按明一統志稱陳氏墓太平寰宇記名勝志稱陳蕃子孫冢今從豫章書又考鄧德明南康記在南康野獻山未知孰是

牛相公墓在大庾縣鄧家山高五六丈旁列小塋三十餘今多圯犁鋤之下往往得銅錢器物無名可考名勝志

樊將軍墓在南康縣西南金豐里廣二三十丈四圍板石狀如覆鐘舊傳為樊噲冢又相距二十里地曰樊坑有樊將軍宅基址



按漢書噲沛人不應有墓在此必因樊氏墓訛傳噲也

唐

謝平蠻墓在上猶縣北保里人云平蠻謂謝肇也

銀青光祿大夫黃廷玉墓在上猶縣金龍下里大隱神坪

宋

大隱居士田闕墓在南康縣洋江口

太尉解潛墓在大庾縣西四里旁有太尉庵遺址名勝志

御史田如鼇墓在南康洋江口察院坑相傳宋時勅葬

元

學博胡志仁墓在上猶學大成殿側至治間死寇難因葬于此

此

按胡志仁墓林志安志俱不載今從府志死義傳採入

總管張元祚墓在大庾縣金蓮山

謝節婦墓在上猶治東一里徐仁妻大德間廉訪使表其墓

曰貞烈

明

知府李琦墓在南康三迳里牛欄坑宋原端志銘

叅政蔡運墓南康伏潭舖坳

進士賴禮墓在南康城北鯉魚山

御史王時習墓在南康太平里浮石之原黃翰有記

同知郭希夔墓在南康金盆山

國朝

田烈婦墓在南康縣橫石井西田毓來有記

贛州府

漢

柴侯劉叔喬墓在雩都縣南七十二里靈帝時避地于此卒葬焉俗呼柴侯墓明一統志

按太平寰宇記云晉末喪亂有發其冢者忽大風雨棺及松柏悉飛渡水其棺乃化為石

梁

檢校工部尚書鍾匡墓在潯江鎮沙陂匡以尚書謫守臨江後致仕避侯景難徙居南康卒葬于此鍾氏族譜

唐

中書令鍾紹京墓在興國縣長信里石亭西

檢校戶部尚書謝肇墓在興國錦衣鄉黃口

按南康上猶有謝平蠻墓相傳謝肇未知孰是

僕射劉越馭墓在寧都縣南松下里

將軍馮祥興墓在瑞金縣羅溪山南

安福令贈饒州刺史鍾子威墓在興國縣潯江鎮沙陂

都監楊筠松墓在雩都縣北八十里藥口

南唐

禮部尚書袁愉墓在石城縣石上里聳岡

宋

袁州戶曹黎仲吉墓在寧都歸仁里西岡

祭酒唐國忠墓在龍南縣新興保東村碑文剝落惟華表至

今存

丞相呂大防墓在信豐縣南山寺右

中書令李潛墓在興國長信里木口村其子寶文閣待制李

西江志

卷一百一

四十一

五工志

卷一百一 印墓

四十一

朴墓亦在焉明知縣蔡鍾有立絕表之

史部尚書曾楙墓在贛縣空同山侍郎曾開墓亦在焉  
安撫使鍾佃墓在龍南雷公塘後

教授胡楚墓在寧都縣萬斛里

樞密院編修唐稷墓在會昌縣西北

翰林侍講尹天民墓在會昌城南

贈太傅崔克墓在寧都黃金坑

直祕閣陽孝本墓在贛縣通天巖淳熙己亥葬

曾原一墓在寧都北門外準提庵左

觀察使陳敏墓在石城縣浮湖堤

溫萃墓在石城縣胡坑

元

翰林供奉知龍南縣陳泰墓以殉難葬龍南馬鞍山明知縣

王繼孝立碑表之

信豐尹李廉墓在信豐縣子李敬祔葬豫章書

明

都御史陳勉墓在寧都歸仁里景泰間勅葬

布政使李旭墓在贛縣西門外

通判曹明墓在信豐縣水東坊

僉事袁慶祥墓在雩都縣三門灘洛坑

尚書董越墓在寧都縣河東山梅江之濱勅葬

知府嚴鉢墓在雩都縣北打禾橋

大理卿董天錫墓在寧都縣松下里璜坊

知縣丁積墓在寧都縣南一里

西江志 卷一百一  
四十七  
給諫胡易墓在寧都南門外延春谷

刑部主事黃宏綱墓在雩都西門外生佛寺右  
評事李敬春墓在興國屋山下春口

孝子呂叔素墓在興國長信里

工部主事何廷仁墓在雩都東嶽廟後

御史袁淳墓在雩都西渡船嶺

僉都御史李涑墓在雩都固院三塔坑

推官溫卓墓在龍南大官窩

知縣謝魁墓在興國鳳凰莊

教諭俞琳墓在信豐縣桐木堡小溪渡頭

巡撫甘士价墓在信豐水東坊

邱一鵬墓在寧都桃枝里南坑

